

ከሊመንት ወዘር ዑስማን ሳልሕ፡ እት እጅትመዕ 'TI-CAD'




ሐዲስ ወሰኔየት ለሊሀይብ ዘበን ሰላም ወወቦት እቅትሳድ ፋቴሕ ክም ዐሌ፡ ምናተ ብዙሕ እንዴ ኢጸንሕ ዲብለ ኢሉትሐዜ ሐርብ ወህቱ ለሰበቦዩ ነዐር ወኢመስኩብት ክም ኣተ እንዴ ኣብረህ፡ እሊ እግለ መንጠቀት ምስል ክለ ስትራቴጂይት ኣህምየተ፡ ወለሀሌት እለ ዛይድ ኣብካት ዕዳጋታት ወክሊኡ ረኣሰማል ክምስልሁመ ለእሉ ትመልክ ብርኩት ኣርዛቅ ጠቢዐት፡ ሄራር ዐቦተ እንዴ ሀንኣ ምን ኬረ እግል ኢትደረር ክም ሐረመየ ኣብረህ።

እለ ህተ ዲብ እንታመ፡ ምስል ምጽኣት ተቅዩር ሐዲስ ዲብ ኢትዮጵያ፡ እት ሰነት 2018 ኣትሻካት ሳልስ ጀህት ለኣለቡ እት ፍንጌ ኤረትርየ ወኢትዮጵያ ለትፈረመ “ውፋቅ ሰላም ወምስንዮት ሕበር” ሐዲስ ኣምር ዋቂዕ ወብርሃን ሰእየት ምን ከልቀ፡ እት መንጠቀትን ዐባይ ሽንህት መትሳዳይ ወሽራክት ክም ኣትሐሰሰ እንዴ ዘክራ፡ ኣዜመ ለሰእየት እት ኣካነ ሰበት ሀሌት፡ እትሊ መጃል እሊ ኤረትርየ ምስል ጃፓን ፋኢደት ለቡ ወተእሲር ለወዴ መትሳዳይ እግል ቲዴ ዱሊት ክምተ ኣክደ።

ወዘር ካርጅ ኣሰይድ ዑስማን ሳልሕ፡ እት 26 ወ27 ማርች እብ ገበይ ሸበክት ሐብሬ እተ ገብኦ 8ይ እጅትመዕ ውዘረ እድንያይ ወዕለ ቶክዮ እግል ዐቦት ኣፍሪቀ (TICAD) መብደእ ኤረትርየ እት ሰላም፡ መስኩብት ወሽራክት መንጠቀት ቀር ኣፍሪቀ ለበይን ሸፊሕ (ወዐዝ) ኣሰመዐ። ጃፓን በራምጅ ብነ ወጠን

እግል ተኣዳብር፡ ምን ምዕል እስትቅላል እንዴ ኣንበተት ትወድየ እግለ ጸንሐት ሰዳየት ወምስንዮት እብለ ለሐምድ ህግዩ ወዐዙ ለኣንበተ ወዘር ዑስማን፡ እት ሰልፍ 1990ታት እት መንጠቀት ቀር ኣፍሪቀ፡ መደረይ ኒል መንጠቀት በሐር ቀየሕ ወድወል ከልጅ ለትረኣ ተጠውራት እብ ዓመት፡ እት መንጠቀትን ጮሬሕ

ኤረትርየ ወኩዌት ዕላቀት ክምስል ለኣተርዶ ትሸረሐ



መስኡል ሸኡን ተንፊዝየት ሰፋረት ኤረትርየ እት ክዌት ኣሰይድ ሐመድ ዩሕዩ ሓሊ ማሌ ለሀ 28 ማርች ዲብ ኣደቀቦት ዕላቃት ኤረትርየ ወክዌት ለረከዘ ህድግ ወደ።

ኣሰይድ ሐመድ ምስል ሴድያይ ወዘር ካርጅየት ክዌት እት ቀድያት ኣፍሪቀ ሰፊር ዐሊ ሰሌማን ኣ'ሰዲድ ዲበ ወደዩ ህድግ፡ ሄራር ዕላቃት ኤረትርየ ወክዌት ሐቆ ሐበረ፡ ዲብ ኣብካት ክስኣት ረኣሰማል ወሽራክት እቅትሳድ ወምዓወነት ህድገው።

ልክልኤ ለጀህት፡ ዲብ ቀድያት ተዐሊም፡ ዓፍየት ውበዕድ ከደማት ቀደም እለ ለትፈረመ እትፋያት ፕሮቶኮል ኣትሐሰሳይ ወሐዲስ ፈረሞት ዲብ ጠወርትለ ዕላቃት ዶር ክም ቡ ዲብ መፋህመት በጽሐው።

ሴድያይ ወዘር ካርጅየት ክዌት እት ቀድያት ኣፍሪቀ ሰፊር ዐሊ ሰሌማን እብ ተውሳኹ ዐዱ ዕላቀተ ምስል ድወል ምፍጋር ጽሓይ ኣፍሪቀ እብ ዓመት፡ ምስል ኤረትርየ ህዬ እብ ፍንቲት እግል ትጠውር ወኣተፍይሕ ለባቱ ምራድ ወመትዳላይ ኣክደ።

ሸኡን ዓዳት እብ ፈን ለኣድረሰዮም ደረሰ ለኣድሕር



ኣምር ኣክላቅያት ብቐዕ ለጸረው ወዓዳት ወሰዋልፍ ሙጅትምዖም እብ ለለኣምሮ ወለሐፍዞ ፈናኔን እግል ልፍረው ለኣመመ ክምቱ፡ ዲብ ዐቦት ፈን ዐድነ ህዬ ዶር ክም ቡ ትሸርሐ።

ወኪል ለትደሐረው ዲበ ኣስምዐየ ከሊመት፡ ምን ተእሂል ኣክላቅያት ወንዛም ምህነት ክም ከሰበው እንዴ ሐበረ፡ እግል ሰርገለ ተእሂል ለክድመው ጅሃት ሐመደ።

ዲብ ደንጎቤ ለደርሰው ለትዳለ እግሎም ሸሃዳት ምን መፈወድ ዓዳት ወርያደት ሰፊር ዘምዴ ተክሌ ትከበተው።

ለደርሰው እብ ጀህቶም ለእለ ከሰበው ምህነት ለለኣርኤ ዕፌ ቀደመው።

ሸኡን ዓዳት ጀብህት ሸዐብየት እግል ዲሙቅራዊየት ወዐዳለት፡ እብ መናሰበት እድንያይት ኣምዕል ትያትር፡ ዲብ ክቱብ፡ ተምሲል ወምርሐት ለረከዘ - መጃላት

ድራመ፡ ወፊልም መደት ሐምስ ወርሕ ለኣድረሰዮም 70 ኣንሳት ለብኡቶም 130 ሸባባት ዲብ ማሌ 27 ማርች ኣድሐረ። ዲበ ዓደት፡ ለተእሂል፡ ምህነት፡

ሳወ ምህናት ለደርሰው ተኣድሕር

እት ሳወ፡ እብ መትሰዳዳይ መ.ወ.ሸ.ደ.ኤ. መርከዝ ተእሂል ምህናት ወመርከዝ ተድራብ ክድመት ወጠን እተ ትዝመ ናይ ሰለስ ወርሕ ተእሂል ኣርትዮት፡ ሰወር ወግራፊክስ ለሻረከው 15 ኣንሳይት ለብኡቶም 35 ደረሰ መርከዝ ምህናት ሳወ ትደሐረው።

እት ዮም 26 ማርች እተ ገብኣት ዓደት መድሐራት፡ መስኡል መሕበር ወጠን ሸባባ ወደረሰ ኤረትርየ እት መርከዝ ተእሂል ምህናት ሻብ ሐሰን መሐመድኑር እተ ኣሰመዐየ ከሊመት፡ ለተዐለመው እግል እለ ረክበው

ምህነት እት መዓለ እንዴ ኣውዐለው እግል ሸባባ ብዕዳም መስል ሰኔት እግል ልግብኡ ትፋኑ።

ሙዲር መርከዝ ምህናት ሳወ መምህር ተሰፋይ ተወልዴ እብ ጀህቱ፡ ኣህምየትለ ተእሂል እት ኣጠወርት መቅደረት ናይለ ሸባባ እምዴ ህድግ፡ ለመሻርከትለ ተእሂል ህደፍ ወልእከት ናይለ ተእሂል እብ ተኣሰትህል እግል ልፍሆሙ ኣትፋቀደ።

እት ደንጎቤ ምን ሰናቶም እንዴ ሐሰው ለትረከበው ፈዳብያም መትናየቲ ጀዋእዝ ክም ተህየበው ወኪል ኤሪነ ምን ኣካን ሐበረ።



ኤሪትሪያን ሰነን ጀርመን/ ሰሚናር ዋሰኛ ሰርገለው



ኤሪትሪያን ሰነን ጀርመን፡ ክምሰል ክፋል ናይል ‘ሙብደእ ሳብት እግል መሃም መርሐለት” እበ ትብል ሰቅራት ምን ዮም 5 አሰክ 19 ማርሰ እት ክሉ መዳይን ጀርመን ገብእ ለአሰመን በራምጅ፡ እት ዮም 20 ማርሰ ሰሚናር ዋሰኛ ሰርገለው።

እት ዝያድ 500 መዋዋን እብ ቃብል ለሻረከው እቲ ሰሚናር፡ አወላይ ሰክርቴር ሰፋረት ደውለት ኤሪትሪያ እት ጀርመን አሰይድ ዮውሃንስ ወልዱ ወሰክርቴር ወጠንያይት ልጅነት አሰይድ ሙሴ ፍሰሃይ እት አሰመዐዉ ከሊማት፡ ወቀሎት ፈዛዐት ወአተረደት ወሕደት መሃም መርሐለት ሰበት ቲ፡ ዝያድ ክም ልትክደም እሉ ሸርሐው።

ዓም ቁንሰል ደውለት ኤሪትሪያ እት ፍራንክፈርት አሰይድ ክብረኣብ ተኸሰቲ እብ ተራቲ፡ “ዶር አዋልድ አንሳት እት ብናእ ወጠን” እበ ልብል አርእሱ፡ እት ታሪክ ንዓል አዋልድ አንሳት ዓለም እብ ዓመት፡ ኤሪትሪያት አዋልድ አንሳት እት አምጸኦት ሕርየት ወሕፍዘት ሰያደት ወበራምጅ ብናእ ህዩ እብ ፍንቲይ ለረከዘት መሓደረት ሀቡ።

ርእሰት መሕበር ወጠን አዋልድ አንሳት ኤሪትሪያ ፈርዕ ጀርመን አሰይደ ዑቅባ አፍወርቂ እብ ተራቲ፡ ሕርየት እግል አምጸኦት፡ ዐዳለት እጅትማዕየት ወመሳዋት አዋልድ አንሳት እግል ልትክደ፡ መሕበር እበ ትነዘመ አግቡይ አርደት ለኸልቀ ፅዛል ክምቲ እት ሸርሐ፡ ፈርዕ ጀርመን ሰርግሉ ለዐለ ወራታት ወናይ ሙስተቅብል ሰታት ሸቁል ወደሐ።

ዶር ወመትሰባል አንፋር መሕበር ወጠን አዋልድ አንሳት ኤሪትሪያ ፈርዕ ጀርመን እት ክሉ ወጠንያይ በራምጅ ለሐመደ መስኡል ሸኡን ሸዑብ ወጃልየት አሰይድ ከሕሳይ ተወልዱ ህዩ፡ እትለ ባይኣም እት ለህሊን መርሐለት ሐዳስ'መ ዝያድ ክምሰል ከድመ ለቡተ ሰእየት ሸርሐ።

ለሰሚናር ሸዑብ፡ እብ ለትፈናተ ወራታት ፈን እቡ ለትተለ ክምሰል ዐሉ፡ ምን አካን ለበጽሐተን ሐብሬ ተአፍህም።

አሰመረ፡ ዕፌ አዋልድ አንሳት እት ወራታት ዐማር ወብሰር እዳ ገብእ

እብ አዋልድ አንሳት ለትዳለ ዕፌ ፍገራት ሐርሱ፡ ዐማር ዓላ፡ ነሲጅ፡ ክምሰልሁመ ወራታት ከላት ወሰወር ለሸምል ጽቦዋ፡ ዮም 24 ማርሰ እት አሰመረ ትከሰተ።

እት ቃዐት መሕበር ሰብ-ምህንት ሐርሰ ኤሪትሪያ ቃርብ ለህለ ጽቦዋ፡ ወጠንያይ ፈርያት እግል አትናያት፡ ለህሊት መቅደረት እግል አትአማር ለአመመ እት ገብእ፡ አሰክ ዮም 26 ማርሰ እግል ሸዑብ ክሰት እት እንቲ እግል ለአሰምን ክምቲ፡ ምን መነዝመቲ አሰይደ ንግሰቲ ገብረመስቀል ሸርሐት።

መኤምራይ ሸክል ለቡበስ አሰይድ አብርሃም ሰልጣን እት ሀበዩ ረኣይ፡ ምን ዕፌ ለልትረከብ መሳልሕ እት ሸርሐ፡ እንዴ ትነዘምከ ለትሸቁዩ ወቀይ ቅወት ሰበት ኸልቅ፡ ክእኒ መሰል ዕፌ



ዝያድ እግል ልትክደም እሉ ትፋነ።

ፈርያተን ለቅደመዩ መሻርከት እት ሀበዮሁ ረኣይ፡ ለሀደፍ መትጃግራይ ፈርያት ቀደሞት ክምቲ እት ሸርሐ፡ ፈድለ እብ ለትፈናተ መአሰሳት ለገአ እለን

መትዓዋን ሐመደዩ።

ወላድ ኻርጅ መትቅብለት እብ ተራቱም፡ ለእግል ዕፌ ቃርብ ሀለ ፈርያት አዋልድ አንሳት ኤሪትሪያ እት ለትፈናተ መጃላት መቅደረት ኸዘንት ክምሰል ሀሌት ለለአርኤ ክምቲ ሸርሐው።

ባርንቶ፡ 6ይ ወዕለ ሸባባት ሸቃለ ሕኩመት ትሰርገል

ፈርዕ ሸባብ ሸቃለ ሕኩመት እት ሙዲርየት ባርንቶ፡ “ፈዛዐት ወመትነዝም፡ አሳስ ታሪክ ሐዲስ” እበ ትብል ሰቅራት 6ይ ወዕለ እት ዮም 22 ማርሰ እት መዲነት ባርንቶ ሰርገለ።

መስኡል መሕበር ወጠን ሸባብ ወደረሰ ኤሪትሪያ እት ሙዲርየት ሻብ ዐብዱልወሃብ ሱለይማን እት አሰመዐዩ ከሊመት መክሰቲ፡ እት ቀበት 3 ሰነት እት አደቀባት ፈዛዐት ወመትነዝም፡ ክምሰልሁመ ጠወሮት ምህናት ወበራምጅ ዐማር ለትሰርገል ወራታት እት ሸርሐ፡ ሸባባት እበ እቲ ከድሞ መጃላት

እንዴ ትነዘምከመው ዶሮም ለለዓቡ እት እርደት እግል አዋፈራት ለገአ መትነዝም፡ አሆታይ ፍገራት ክምሰል ትረከበት ምኑ ሐበረ።

መስኡል ቅስም ሰያሰት ወመትነዝም መሕበር ወጠን ሸባብ ወደረሰ ኤሪትሪያ አቅሊም ጋሽ-በርከ አሰይድ ማርቆስ ግርማጽዮን እብ ተራቲ፡ እብ ፍገራት ሸቁል ወመትነዝም ለልትቀየስ ዶር ሸባብ እግል ትክክድ፡ ጅህድ ሕበር ክምሰል ለአትሐዜ ሸርሐ።

ሓክም አቅሊም ጋሽ-በርከ ሰፊር መሕመድ ዐሊ ሕሩይ ህዩ፡ መሕበር እት ለትፈናተ መአሰሳት

እግል ከድሞ ሸባብ እንዴ ነዘመ እብ ምህናተም ለለአገዱ እት አርደት እግል ትዋፈሕ ወደዩ ለሀለ ጅህድ እግል ልደቀብ እት ለአትፋቅድ፡ ሸባባት ለትከሰተ እሉም አብነት እብ ዋጅብ እንዴ ትነፈዐው እቡ፡ መሃም ወአህዳፍ መሕበር እት ሀደፋ እግል ለአብጸሐ ወመሻረከቱም ወዶሮም እግል ለዓቡ ትፋነ።

እት ደንጎቤ እግል 3 ሰነት ለትክደም መመቅረሓይት ልጅነት ትትሐሬ እት ሀሌት፡ እት ክድመት ለዐለው ህዩ ናይል እሉ ወደው ዶር ሐምዴ ሸሃዳት ተሀዩቤ።

ሀይኣት ዘርእ ወንዋይ/ ወጀዶት እተይ ሐርሰ እብ ዐዉል ራትዕ

መፈወድየት ንዋይ ወዘርእ፡ እተይ ሐርሰ እብ ዐውል ራትዕ እግል ትወጅድ ትክድም ክምሰል ሀሌት፡ ዓም መመቅረሓይ ሸቁል ናይል ሀይኣት ሚጀር ክብረኣብ አብርሃም ሸርሐ።

ሐረሰቶት እንዴ ኢልትሐዝ ወራታቶም እግል ልሰርግሎ ወብርኩት እተይ እግል ለአፍሩ፡ እብ ዐዉል ረኽሰ ወእብ ለሀ ከደማት ሕክምን ንዋይ ናይ ሂበት በርናምጅ'መ ፍገራቲ እብ ቀሊ-ቀሎ ሰበት ኢትትርኤ፡ ዝያድ እግል ልትክደም እሉ ክምቲ፡ ሚጀር ክብረኣብ እብ ተውሳክ ሐበረ።

እሊ ክእኒ እት ሀሌ፡ ሀይኣት ዘርእ ወንዋይ፡ እት ሐልሐሌ ወብዕድ ድዋራት ለፈሬ እተዩ እት መትነፈዓይ ሸዑብ ለትከሬ እሉ መአሰሰት እት ድባርዋ ከሰተት።

ለመአሰሰት ለትፈናተ ጅንስ

ሐምሌ፡ ባናን ወሐሊብ፡ ምን አትኒን አሰክ ሰንበት ንኢሸ እብ ዐዉል ራትዕ፡ ልትዘቤ ክምሰል ሀሌ፡ ነፈርለ ሀይኣት ሻብ ክብርም ብርሃኔ ሐበረ።

እት መአሰሰት ለልትዘቤ ሐምሌ እግል አድመዋት፡ እተይ እብ ነውዕየት ወብዝሐ እግል ወቀሎት

እብ መትሐሳር ልትክደም እሉ ክምሰል ሀለ ፡ መኤምራይ ሐርሰ አሰይድ ወልዴሚካኤል ወልዱ አትአመረ።

ሀይኣት ዘርእ ወንዋይ፡ እት ሐልሐሌ፡ አለቡ፡ ገርሰት፡ ፋንኮ፡ ዔለበርዕድ፡ ከርከበት፡ ደቀምሐሬ፡ ወብዕድ ድዋራት፡ እት ዐማር ሐርሰ ወሰነየት ፍገራት ሐርሰ ትክድም።



ኤሪትሪያን ሰነን

ክል አርቡዕ ለትጠ'በዕ ጀሪደት

መዳልያይ፡-
መሐመድ እድረሰ

ለይኣውት ወአርተዖት
* ዘህረ ዐሊ
* ፋዋን ኢድም

ተለፎን፡ 121797/07121322
ፋክስ፡ 127749፡ ዕ.ሰ.ቡ፡ 247
ተውዝዕ ጀሪደት፡
ተለፎን፡ 200454
አትአመሮት፡
ተለፎን፡ 125013፡ ዕ.ሰ.ቡ፡ 1284

ጽምድዬ ኢትንቀሊ! (፭ኛ ክፈል)

ንግስቲ ምን ክሉም ለእግለ ተአምን ወትፈቲ ወመስጢረ እግል ተአሰእለ ለሐፊተ ልእልቲ ወለተ ክምሰል መጽአት እብ ፈርሐት ትከበታተ። ምናተ እብ ሽፋግ እግል ተአሰእለ ላተ የሐዜት። ንግስቲ እግል ወለተ ፍንጌ እለ ወሌሀ እንዴ ወዴተ እብ ብትክት ህግዩ እግል ትምጽእ አማውር ዐስከሪ ለመሰል ሐለፈት እተ። ለግሩማይ ገጽ ልእልቲ እት ልትሰሐቅ ምነ መሕበር ትፈንጉት። ክምሰል ቅንጸ ቱ እንዴ ኢለአቀብል ላኪን። ገጽ አመቅረብ ላሊ ወርሐ ማሲ ለትትጸበሩ እት መሰል አቅበለት። ህታመ ግድም እት ሸቅል ሕኩመት ለህለ ክልዶል ክምሰል ምራዱ ኢልትሃጌ ወኢወዴ እንድኢትን ደነብር እንዴ ወዴት መሻክል እመ እግል ትፍህም ወየኢቤት። እንዴ አትሌት ህዩ እብ ክምሰል እለ ትፈንጉት። “ይማዩ ክል ዶል እት እዴ ኖስከ ይህሌከ ምንገብእ እለ እወዴ ወእለ ሐድግ ኢትብል እንድኢትን እግል እምጽእቱ ደሐን ትመዩይ” ትበህለዩ ወምን አድሕድ ትፈንተዩ።

ላሊ እለ ኢክም በዲራ፡ እግል እም ወወለተ በበይነን ደብር ምርት ፍግረያሁ ወካልእ ልትከረያሁ ትመዩዩ። ላሊ ነሲ በምን ወቅት እንዴ ነሲአት ሰራይር መጋውሕ ጨቅ ጭሪቅ ቤለ ወምድር ጽብሐ። ትዕብ ለዐለ እግል ለዓርፍ ወታርህ ለዐለ እግል ልስከብ። ላሊ እብ ተግባቡ ለሐልፈዩ አደሓመ ምን የአመረ እት በርህት ለሐሰበ ኢትን ልትፈደል ትብል ህሌት እት መሰል ጸሓዩ ወበርህት እት ክል አርካን እዲነ አንዋራተ ነድኡት።

አርድ እብ ጽብሐቱ ልእልቲ እግል መስኡሰ እብ ክሰሰ እመ ሰኒ ታርህት ክምሰል ትመዩት ወሸቅልት ደግመት እግሉ። ህቱመ እብ ጅሀቱ ደሐን እንዴ በጽሐኪ ምጽኢ ቤለዩ። ልእልቲ ቤት ሐቆ መጽአት ክሉ ክሉ አሕዋል እመ ሰኒ መክሩህ ጽንሐዩ። አክል አሕድህ ህዩ እላተ እንዴ ትቤ እግል ትትገሙ እግሉ ይሐዜት መሰለኒ ትም ትቤ። ልእልቲ ላኪን መራቀብተ እት ረአሰ እመ ሰኒ ፈዳቢት ዐለት። ላሊ ህቶም ስክቦ ወህተ ተኣቱ ወትፈግር። ትቀንጽ ወተኣከርር ላሊህ ትቀደደት። አድሓመ ምነ ናይ ላሊ ለኢትመክረህታተ ሐቱ የአቅመተት እተ።

“ይመ” ትቤ ልእልቲ ሐቱ አምዕል እንዴ አትወሐደት። “አሀ ሉለቼ” በልሰት ንግስቲ ገጽ ልእልቲ እት ተኣትቃምት። ልእልቲመ ለዓርከ ዐለ ሽዑር እብ ሚ ክምሰል ተኣነብቱ ትቀው እተ መሰለኒ ተመህ ወዴት። እንቲ ትትሻቀሊ ህሌኪ? ላሊ ወአምዕል

ሓለትኪ ክምሰል ብዲረ ይህሌት። አማንዬ ቱ? ትቤ እብ ናይ በዐል ሸክ ለመሰል ሰኣል አርወሐት። “ሚ ሰበት ትረከባቱ አክል እለ ትትሻቀሊ ለህሌኪ ይማዩ? ሰኣል አበዩኖት አትዐፊተ ኣዜመ። እንዴ ዓቤኪን እግል ትፍርሐ ለወጅበኪ ኣዜ አክል እለ እትሊ መሻቀላት እለ ለካሬኪ ሚ ሀለ? ክልኤ ዕንተ ምን ገጽ ንግስቲ እንዴ ኢትበልሰን አተላሌት ልእልቲ።” ኣዜ ህዩ እለ ለእግሉ ዓምሰት ህሌኪ ጀህ ልግበእ ወከጅህ የም እለ ምዕላይ ውሌዱ ምንኪ ሌጠ። ላመ ተዐመሰ ልትወለድ እለ ናይኪ ትርሃን ወሸቅላት በኑ ገብኡ። አሰክ ሚ ዶል እሕ! እት ትብሊ እግል ትንበራቱ? ሰኣል ወነሰሐት ወገማት እግል ንግስቲ ምነ ማሌ ምን ርሕመ ለወልደተ ልእልቲ ትሰምዐ።

ንግስቲ ምን ወለተ አክል እለ ሀገጊት ጽብርቱ ምነ ኢትአምር። ልእልቲ ላኪን እለ ምዕል እለ እንዴ በትከት ቃንጸት ሰበት ዐለት ቱ መሰለኒ ህግያህ ዲብ ተኣተላሌ። “ኣዜ ኣዜታይ አሰእሊኹ አክል እለ እግልነ እንዴ ወለድኪ እበይንኪ ቅረዲት ሀማት ወሸቅላት ለትገብእ እቡ ሚ ህሌት? ልእልቲ እምበል ፈርግ ወሌለ ሰኣላተ ዲብ ንግስቲ እመ አተርቱት።

ንግስቲ ክምሰል በዐለ ሀደማይት ትም እት ትብል አፋዛዝ ሌጠ ገብኡት። ምን በሊሰ ለህ ወእለ ትጀመለት። እበ እዴለ ማነ እግሉ ሰንዳዩ ለእግል እሉም ውሌዳመ ተግቤ ለቀዋነ እት ረዋሰስ እቤ ክምሰል ግንዳይ ይቡስ ለእት ምርት ጀፈሩ ትንኩብ እት ምቀደም ወለተ ቀሲ ሌጠ ገብኡት። እብ ፍክረ ወሕሳበ ላቱ እት ጨባብ ሕሳባት ሕኒት ዐለት። ላመ ክምሰል ፈናጂን ኩቡባት ለመሰለ ዕንቴታተ ክምሰል ክልኡት ተባር ሙልኣም ተልወሕ ተልወሕ እት ልብለ እግል ሀሩር ኩብደ ለኣብሪደ እብ አናብዕ ሕፋን በደድ አበለዩ።

ንግስቲ ተሰእል ሚ ትእዘም ለሀይ ክምን ለሀይ ትመክረህ እተ። ምን በዋር ዕንታተ እት ነብዕ አሰክለ እተ ጀፈር ልእልቲ ጽግዕት ለዐለት መጥሐን አቅመተት ወእተ ረአሰ ትገሲት። እግሉ እት ደሚረ እንዴ ሐብዐቱ እኪት ትረክብ እቡ ለዐለት ምስጢር እብ አሰባብ ልእልቲ እት

ሸማል እዲነ እግል ለአወልውል ናይ ደንጎበ ጌማም ወዴት እግሉ። ንግስቲ ህግዩ እግል ተኣስተብዴ ምን ልበ አተንፈሰት። ወሐር። “እንትም ውላጄ ወእንቱም ሴንደቼ ወኡቢያም እኪቼ እንትም። መሰደድ ወግብእ ሀመት ወሸቅላት። መሐገዝ ወምርኩብ ክሉ ምስልክም ሴመ ኢኮን። እለ ለእብ በይንዬ ማይ እንብዕዩ ለኣትሓውለኒ ለህለ ህዩ እንትም ይእንትም ወአቡኩም ኢኮን ናዩ አክይ ፍዕል ሌጣ ቱ። አነ ኬን በሊኒ ምንኪ ወለቼ ጤልማይት አማነት አነ። እበንዬ ለወድኮሁ ህዩ እበንዬ



እግል እብኪ ወእኪ እቡ ወእት ጨባቡ ምን እትሐኔ ለሐይሴ። እንትም ላተ እት ዋዕም ወእት መራር መጦርዬ ክምሰል ትበጥሮ ይቅንት ምንክም አነ። ላመ እግሉ ሓብዐት ህሌኮ ድቦ እግል እንትም ኢትክጀሎ ምንዬቱ። እንትም ህዩ ውላጄ ፈተቼ ሴንደቼ መርተዐቼ ወጌምዮቼ ኢንቱም ቱ።

ላኪን ኣዜመ ህግያህ እንዴ ኢተኣነብት ዕድዕደት ህተ ሐንቀተ ንግስቲ። ኣዜመ ዕንታተ ክምሰል ሻከት ቅዝር ጀርወን አበለ። አንፎታተ ምስል ዕንታተ ትፋትሐ። እግል ሰኒን ለትቀበረ መስጢር ሰልፋ ፈግረ ወእክሩ ኢደለ። ንግስቲ ወወለተ መጣዊር ትናስቀዩ። ኣዜመ ሐቆ ላኪን አፍ ንግስቲ ክምሰል ኢዩደ ቀደም ሐሊፍ አቤ። ገርብ ሀጥለ ድቁብ መስጢር ሓብዐት ክምሰል ዐለት ልእልቲ ትየቀነት።

ልእልቲ ለእግሉ ትብል ወእግሉ ተሐድግ ቀዌት መስኪነት። “አባይኪ ነጊሸይ። ሚ ቱ ማማዬ”? አተባቀረተ። ንግስቲ ላቱ ምን ብካይ ለለአወህትበ የዐለ እግሉ። አፋህ እብ መራግም እግል አርወሐተ አለል አበለት እቡ።

ኣዜመ ልእልቲ ምን ብካይ እመ እንዴ ትበኪ እግሉ አግደ እግል እመ ሐያተ ክለ እት ብካይ ለኣቱ ለህለ እግል ተአምር ዐሎበጠት ወትጀረሰት። እንዴ ኢትተወጸዕ ህዩ እግሉ አማን እግል ትሰምዕ ትጸገመት።

ንግስቲመ ለክምሰል ታረት ሰጋደት ወጽልመት ሐራሰ ልትረአየ ለዐለ መስጢር ዋልም እግሉ ሸሪክ ሐያተ ላቱ ሰምኦን እግል ወለተ ልእልቲ እግል ትዳግሙ እግሉ እት ትትናሰር እብ ግላየ ገብኡት። “ በሊ እዝን ክረይ እግልዬ” ትቤ ከህግያህ እግል ተኣንብት ምግላየ አትራተዐት።

ልእልቲመ ምነ እመ እግል ትትገሙ እግሉ ትዳሌ ለዐለት መስጢር ሰኒ ህድድት እት እንተ ልበ ክምሰል ከበሮ ሱድት ድግ ዲግ እት ልብል ነሐረ እንዴ ሰጥረ እግል ኢልፍገር ፈርሀት። እግሉ ምን እመ ለተሀየበዩ አማውር እት ፍዕል እግል ትትርጅም ህዩ ክምሰል ዐስከሪ ለምቅደም

መስኡሉ ጣቡር በጥር እብ ክሉ ጀዋርሐ እግል ሰምዕ ትዳሌት።

“አይወ” ትቤ ንግስቲ ህግያህ እግል ተአምብት። “ረቢ ገበይ አማን ወማን ሐበሬነ። ሕነ ውላድ አዳሚ ላኪን ምን ገበይ አምን ወአማን እንዴ ሸከፍነ። ከአሰክ ገሌብ ወግልበ ንትደለል በሪ ወዴኪ። አይወ ራትዐት ወደማነት ሰላም ለብዲበ እት እንርእየ አሰክ አሰ መሀንፈይ ወመብቀይ እት ነአድኖኔ ንትርኤ። እግል ሐቱ ዶል ለአወለጥናህ ህዩ እግል ዲማነ እንለምጩ። እት ደንጎበ ህዩ ክእኒ ክምሰል እምኪ ንግስቲ እት ክጃል ወሐሳር እንዴ ትካፊነ ለእግሉ ይእንበልስ እተ እንበኪ ወነሓኩ። ኣዜ እብሊ አሰባብ እለ ክምእነ ክምሰሌዬ ምስል ሀማት ወሸቅላት ንትመሳኒ” ትቤ ንግስቲ። ለፈጃጃን መሰል ፍሩይ ዕንታተ እንበዐን ቀዳም እንዴ ሸርብ እግሉ ሓራት እት ልትማለእ።

ልእልቲ እት ደሚር እመ ሕቦዕ ምነ ለዐለ መስጢር ገበዩ ፊመት እተ። “ሚ ቱ ማዘር እለ ወሌህ ትብሊኒ። አሰእሊኒ አግቡይ ኢትኣትራይሚ እብዬ”

ትቤ ህታመ ለግሩማይ ገጼታየ ሕብሩ እት ቀይር።

ንግስቲ መትረባሽ ወለተ ለርኤት ኩብደ ጉርጉር ቴለተ መሰለኒ። “ህድእ በሊ ሉለቼ። ብዲር ለሐሰለት አነ ይእበልሰ ወእንቲ ኣልፈት። ኣልፈት ወማይተት ሐቱ ተን። ነፍሰነ ወዐቅልነ ነኣትዕብ ሌጠ። ኣዜመ ጽብሬ ወሰብር ልእልቲ ሕዱዱ ሐልፈ። ምስጢር ንግስቲ ላቱ አግቡይ አትራዩመ። “ማማዬ እበ ትፍትዩ እምኪ እበ ተአምንዮም መልኣካት። እብ ማርያም ምክኤል እዩሰሰ ገብርኤል። አብኔ አርጋዊ ታትዮሴ። መልኣክ ወጸድቅ እብ ክሉ ትሐሰበት ተ። ክልኤ ዕንተ አናብዐን ለክቡብ መጃቅመ እንዴ ሐልፈዩ እት ምድር እት ልትቃጠር ልትርኤ ዐለ ልእልቲ።

ሚ መሰለኪ ህለ ልእልቲ ወለቼ? ትሰኣለት ንግስቲ። እለ ሕትኪ ብርሃና ለምን አቡኪ ሐ አቡኪ ትወለደት ሐውኪ እብ ብትር እተ ትብተረው። እለ ለገብእ እቡ ህዩ እግል ሚ እምነ ምን ትላክመ ወልደት ለለብልቱ ቱ ሰብብ ናይ እለ ክሉ አትዐገቦት። ብርሃና ህዩ ሚ ዝንብ በ? ክምሰልክም ትወለደት እቱ እለ ሸፍር። ተሰኣለት ንግስቲ ከኖሰ በልሰት ኣዜመ። ሐቆ ምን ልበ አተንፈሰት። “እግል ብርሃና ክምሰል ቀጥፈት መርገም ልርኡ ለህለው ሐውኪ ህዩ ህቶም እግል ኖሶም ውላድ ሰምኦን ምን እንትም ቤለዮም? ሐወ ክምሰልቶም ምን እም ወኣብ ለአምሮ ማሚ? ድቦ ንግስቲ ምነ እግል ሐድ አርበዐ ሰነት ለቀብነቱ ሕቦዕ መስጢር ጼዋህ ምን ደሚረ እግል ለአወልውል ሐቆለ ሐዘ እብ ክልኡት ሰኣል ሸንከት አማን ለደሎ እቦም አባደረት እግሉ። ከረ ምን ቶም ህዩ ኢወደሐት ንግስቲ።

እለ ነሃር እለ ምነ እብ ሐያት ልእልቲ ሐልፈዩ ለትመክረህት አምዕል እት እንተ አጽበሐት እተ። እግል መዳግም ናይ እመ ትሰምዕ ትጸበር ለዐለት ልእልቲ ምድር ወሰመ ምን ሕሊል ሾመት ጨበ እተ። ኣዜመ ነፍሰ መትመላክ አቤት ሸቀላተ እብ ዕጹፍ እት ዘይድ ጌሴ። ሐንገለ እብ ብዞሕ አሰእለት በሊሰ ለኢረክበት እግሉ አውሐዘ እተ። አነ ኖሼ ወለት ምን ገብእ አነ? ወከረ ምንቶም ገብእ ውላድ ዐይኖም? ብርሃና ወለት ዐይኖም ክምሰልተ እምርት ሰበት ዐለት ቱ ልእልቲ። እመ ገሌክም ሐው ብርሃና እንትም ክምሰል አሰምዐተ እት ሐንገል ልእልቲ ገሌ ምነ ልትመሀጽ ለዐለ አፍካር እት እንቱ ዐለ። አሳሚ እብ ኢፋነዶተ ህዩ እብ ልበ ሐሚት።

ትተላሌ.....

መድረሰት ቀድሞት ማሌ ወዮም

ቀድሞት ዲብ ድዋራት ሐሰተ ለህሌት አካን ዲብ ገብኤ ዲብ እዳረት ደዋዩሕ ረብዕ ተሓት ህሌት። ዲብ ሰነት 2002 ክምሰል እስተንቡረት ዐቦት ገቢል ህዩ መድረሰት ትከሰተት እተ ለመድረሰት እተ ወክድ ለህይ ዲብ ሐንቲ አትሸዐት ወዐዘለት ዕጩ አስተብዴት፤ ዮም ላኪን አብ ትውርት ገቢይ እንዴ ትበኔት ክድመት ተህይብ ህሌት። ከቀድሞት እንዴ በጽሐነ ምሰል ሙዲርለ መድረሰት እስታዝ መሐመድኑር ዑሰማን ወብዕዳም ሰነን ቀድሞት ለወዳናህ መቃብላት ትተላሌ።

ሰኣል፡ መሐመድኑር እብ ሰበት እለ መድረሰት ምዶል አሰብዴኩመ ግረ እንዴ አቅብልከ ከልፍየተ እግል ትሸረሕ እግልን? በሊሴ እለ መድረሰት እለ 2002 ትፈተሐት ወአወል እብ ትግሬ ለደርሶ እግሎም ትከበተት። ዲብ ሰነት 2015 ህዩ ብዳዌት አሰብዴት። ወሰልኣስ ሙደርስ ናይ ብዳዌት እትለ ደርሶ ለዐለው ወለ አተላለው እንዴ ትሰሐበው እግለ ህዩም ለአደናሰ ገብአው። ወትግሬ እንዴ አብጠረት እግል ሕዳረብ እብ ሉቀቶም ተአደርሶም ገብአት። አዜ ምን ሐዲስ ናይ ትግሬ እንዴ ሀረሰት ህዩ አሰክ 2ይ ፈሰል ለበጽሐም ብኸ። እለ መድረሰት እለ ምን አወላይ አሰክ 5ይ ፈሰልተ ለተአደርሰ። እትለ ሰነት እለ 105 ደረሳይ ህለው ዲብ። 56 ውላድ ዲብ ገብእ 49 አዋልድ ተኸ። እለ መድረሰት እለ ምን መርከዝ ምዴርየት 45 ኪሎ መትር ለሪሙ በካት ዲቡተ ለህሌት ሰበት እለ 5ይ ክም አትመመው ምግባይ ደረጀት እግል ልድረሶ አሰክ መርከዝ ናይለ ምዴርየት ለህለ ዲብ ድሪት እንልእኮም፤ ከልኣይ ደረጀት እግል ልድረሶ ህዩ አሰክ ጸብረ ገደሶ።

ሰኣል፡ እለ መድረሰት እለ ተአሰብዴ እንዴ ህሌት ዲብ መቢህ ክእፎ ዐለት ወአዜ ክእፎ ህሌ? በሊሴ ሰልፍ ዕሸሸ እቱ እንደርሰ ዐልነ መጋሲት ናይ



ደረሰ ርኤክ ምንገብእ እመን ዐለ። ምን 2021 ላኪን እብ ብኸ እንዴ ትበኔት ተአደርሰ ህሌት ታርፍ ለህለ ሐድ ናይ ጠውላቱ ህቱ ህዩ እብ ሰቡብ መሸክል መዋሰላት መጽእ ኢህለ እግል ልምእኦት። በዲር እንዴ ኢትትበኔ ወዮም ለህለ ፈርግ ትወቀልን ምን ገብእ 40 አው 50 ደረሳይ ነበጽሕ ዐልኸ። ወሸዐብ ሕኩመት ኢርኤተነ ወኢከድመት እግልነ እንዴ ልብልቱ ልትህጌ ለዐለ። ዮም ክም በኔት 105 ደረሳይ እብ ጽሓም ዲብ ህሌነ እለ ሰልፍ ኬርቱ ምኑ ወለዐል እግል ነአዚድ ህዩ ሰብ ሰእየት ሕነ።

ሰኣል፡ ንዩት ናይ ሸዐብ ዲብ ተዕሊም ክእፎ ህሌት? በሊሴ ወላሂ ንዩት ናይ ሸዐብ ርኤክ ምን ገብእ ብዘተሕ አለቦምኒ። እንፈትሕ እንዴ ህሌነ እዳረት። መስኡሊን ተዕሊም ወብዕዳም እንዴ መጽአው እብ ሐለት ዲብ ጅብረቱ ዲብ መድረሰት ለዐጉሎም ለህለው። ለመሸክለት ለሸዐብ ረይምቱ ምን እለ ገሌ ዲብ ዐንሰበ ቀርብ። ንሰዕ ዐደም መትከምካም መ ህለ። እሎም ደረሰ ንዛም ቦርዲን እቡቶም ደርሶ ለህለው ሰለስ ወጅቦት ገብአት እሎምተ። ሕኩመት ምን እለ ሸዐብ እለ እንቅሰት ኢኮን አጅሀዘት ምዴርየት ምን መካትቦም እንዴ መጽአው አሰክ እንፈተሕ ሳምን ለከልኦ ዲቡ ወክድ ህለ ለሸዐብ እግል ለአፍህዋ ወልሐብር። ከልእ ምን ሕኩመት መጽእ ለህለ መሳርፍ ለደረሰ ህቱ ይህለ ምንገብእ ኢህለውኒ።

ሰኣል፡ ብዝሐ ሸዐብ እለ ደሕየት ከም ገብእ ወለ መድረሰት ጸብጠቱ ለህሌት ህዩ ካፊቱ እግል ልትበህል ቀድር? በሊሴ ወላሂ እተ ምዴርየትን ዶል እንርእዩ ምን ለበዝሐ ሸዐብ ለበተ እለ ደሕየት እለተ። ገመዕ እምብል እንዴ ህሌነ እት ከብደ 5 ዐድ ጸብጠተ። መጽሐት፤ አቅርን፤ ረብዕ ተሓት፤ ወረብዕ ለዐል እንዴ ትብል እት ከብደ ህለየ። ብዝሐ ደረሰ ምሰለ ብዝሐ ሸዐብ ዶል ትርእዩ ይህለው ለለተብልቱ።

ንሰዕ እለ ሸዐብ እለ ተዕቢኣት ለአትሓዝዩ ህለ።

ሰኣል፡ እንቱም እዳረት ትግበእ አንፋር መጅልስ ልግበእ ወሙደርሲን ሸዐብ እግል ልሰጃዕ ለትወድዉ ሚ ህለ? በሊሴ እሎም ሙደርሲን ውላድለ ዐድቶም እግለ ዐድ ሐቱ እብ ሐቱ ለአሙረ። ወክድ መድረሰት ደብእ ህዩ እንዴ ተሐረከው እግለ ዐድ ለአፍሁመ ወመሰል ሰኔት ክምቶም ለአርእዉ ህቶም ዮም ዲብ ሚ ህለው ወለኢትዐለመ ዲብ ሚ ህለ ለአፍሁሙ ምናተ ለሰምዕ ኢህለኒ ረቢ ሴምዓይ ልለሀበኸ።

ሰኣል፡ ብዕድ ነሽግት እምበል አካዲሚ ለትወድዉ ሚ ህለ? በሊሴ ከም ንዛም ርዶደት፤ ፍርቀት ሕላይ ወተማሲል እንወዴ ወእብ ፍንቱይ ዲብ ወክድ እሕትፋላት ዕፌ ነርኤ። ላኪን ለበዝሐ ሸዐብ ኢሐድፋኒ ክሉ ምን ሸርክ ባክነ ብዘተሕ ተቅይር ወወዴነ ዐልነ ኢመሸረከት ከርዐትነ ህሌት።

ሰኣል፡ ለሪመ ምን እክል አይ ነሳፈ ለመጽእቱ እትሊ ምሰልኩም ለህለው ደረሰ?

በሊሴ ወላሂ ለሪመ ቅርጫትቱ አሰክ 20 ኪሎ መትር ገብእ ለነብረ ወለ መድረሰት ሰበት ህለየ ዲብ እለመ ወሰክነው ምናተ ዐደም



ኑራ መሐመድ ኢብራሂም ሰበት ኢትከቦተ ወኢረድወ እግል ትግበእ ቀድረት ኢህሌት።

ሰኣል፡ እትለ መድረሰት እለ እንዴ ደርሰው ደረጀት ለበጽሐው እክል አይ ለገብእ ህለው? በሊሴ እትለ እንዴ ደርሰው ደረጀት ለበጽሐው 3 ሙደርስ ወገሌ ዲብ እደረት ምዴርየት ለሸቁ ወእት ለትፈናተ አካናት ለከድዋ ህለው።

ዲብ መድረሰት ቀድሞት ዲብ ሰነት 2002 ለአምበተት ምን ቀምየት ሕዳረብ ላተ ኑረ መሐመድ ኢብራሂም ዮም ዲብ እዳረት ምዴርየት አዶብሐ ዮም ሳብተት መወዘፈት እንዴ ገብአት ትከድም ህሌት። ህተ መአምብታይት ደረዕ ዲብ ረብዕ ምግባይት ደረጀት ህዩ ዲብ ድሪት ፍንጌ ሰቦዕ ደረሳይ እንዴ ገብአት ሐቆለ ደርሰት፤ ካልኣይት

ድረጀት እግል ተአተላሌ ቦርዲን ጠብረ ነቅፈ ጌሰት፤ ምኑ ህዩ 12 ፈሰል ወክድመት ወጠን እግል ተአተላሌ ዲብ ደውረት 27 ሳወ ትከፊት፤ ኑረ ሐቱ ምነ እለ ክሉ እብ መጅተመዕ ሳድፍ ለዐለ መሐለኪት እንዴ ባተከት መሲረ ለቀረረት ምን መአንብተት ደረሰ መድረሰት ረብዕ አው ቀድሞት ተ። ኑረ እንዴ አትሌት “ እብ ፈድል ጸገም ወአትናያት ዋልዴንዬ ወምደርሲንዬ ዲብ እለ መድረሰት እለ አነብት ዲብ ህሌት መቃወማት ብዘተሕ ሳድፈኒ ዐለ። ላኪን እምበል ተዕሊም ወዕልም ክሉ ብላሰ ሰበት ቱ።



መሐመድ ብላል

እግል እለ ልትበህለኒ ለዐለ እዝን ጽምት እንዴ ሀብኩው አሰክ ካልኣይ ደረጀት ድሪትቱ አተላሊኩ፤ ክምሰልሁመ ክም ክሉ ምዋዋን ክድመት ወጠን እግል ሀብ ሳወ ትከፊት። እት ወክድ መድሐራት ደውረት 27 ህዩ መሰል ሰኔት አዋልድ ሕዳረብ እንዴ ትበህልኮ እብ መሕበር ወጠን ሸባብ ወደረሰ ኤረትርየ 10 አልፍ ነቅፈ መትናየቲ የሀይብኩ። እለ ህዩ እግልዬ ሌጠ እንዴ ኢገብእ እግል ክለን ክምሰሌ ላተን አዋልድ አንሳት እብ ዓመት ወአዋልድ ሕዳረብ እብ ፍንቱይ ልእከት ዐባት ተ። እብ ዓመት ላኪን እትለ ደረጀት እለ እግል እብጸሕ አሳሰ ለገብአት እዩ ለ ‘ሀ’ እንዴ እቤ ምህሮ ለአምበትነ እተ መድረሰት ረብዕ ተ። ለማሌ ብርድ ወጽሓይ ዲብ ልትጋሌነ እንደርሰ እተ ለዐልነ መድረሰት ዮም እብ ዋውርት ገቢይ እንዴ ትበኔት ብዝሓም ደረሰ ተአደርሰ ዲብ ህሌት ህዩ ሐምዴ እግል ረቢነ ወሕኩመትነ እብል። ዲብ ደንገበ አሰይድ መሓመድ ብላል ሓምድ መስኡል ዳሕየት ገምዕ ቱ። ህቱ አሰልፍ እብ ዓመት ምሰል እዳረት ደዋዩሕ ገምዕ ዲብ ለትኣምር ውሐለት ተዕሊም ወብዕድ ለሳድፍ መሓዝ ዲብ ሸፊሕ ክእነ ልብል። አይወ እለ እዳረት ደዋዩሕ ገምዕ ትትበህል ህተ ህዩ ምን ሐምስ ቀርያት ትትከወን። መናበረት እለ ገቢል እለ



ስታዝ መሐመድኑር ዑሰማን

ረኤነ ምንገብእ ዲብ ርዕዮ ንዋይ ለአተንክበት መናበረት ለሓልፍ። ዲብ ርዕዮ ለነብር ሸዐብ ህዩ ምን ምህሮ ዝያደት ዲብ ንዋይ ለአተንክብ። መጅተመዕ ኢደርሰ ምንገብእ ዲመ ገጽ ግረ ለአቀብል። ሰበት እለ ሸዐብ እለ እብ ሕኩመት ገብእ እሎም ለህለ ጸገም እግል ልታለዉ እትወሰ። እብ ጀሀት ሕኩመት ዲብ ተዕሊም እግል ንፈድብ ገብእ እግልነ ለህለ ጅሀድ እብ ቀሎ ቀሎ ለልትረኤ ኢኮን። ሕኩመት እግል አጀኒትነ እግል ልድረሶ እንዴ ትቤ ዲብ ብንየት አፍሱል ወአዳለዮት መደርሲን ወኣላት ድሪት ሌጠ እንዴ ኢትትሐደድ፤ ውላድነ እግል ኢልሰፍሩ እንዴ ትቤ አጀኒት ዲብ መድረሰቶም ልትሸረፎ ህለው። እሱ ወሕኩመትተ ድረሶ ወብልዎ ልትብል። ሰበት እለ ሕናመ እለ ገብእ እግልነ ለህለ አትናያት እግል ንታለዩ ለአሰትህል። እለ ለልትሐመድ እት ገብእ ብዕድ ዲብ እለ እዳረት ደዋዩሕ ገምዕ ለነቅሰ ምኒናመ ብዘተሕ ቱ። ዎሮ ምኑ ማይቱ። ሐቱ ዔለ ህሌት። እለ ዔለ እለ ይህሌት ምንገግእ እሎድ ደረሰ እሎም ወእለ ሓድር ለህለ ዐድ እግል ለህሌ ኢኮን። ዲብ እለ አካን 56 ዓይለት ክምኩማት ህለየ። ምሰሎ 105 ደረሳይ ህለው እግልነ። ደረሰ እግል ነአዚፍድ ወብዕዳም እግል ንጅመዕ ሐዘነ ምንገብእ ህዩ ምሰለ ብኒት እግልነ ለህሌት ማይ እግል ልትወጀድ እግልነ ቡ። እምበል እለ ለዐበ መሐዝዝ ከዋ ተለፎን አለብኸ። ዎሮ ነፈር ሐመ ምን እነ ምንገብእ ርድኡነ እግል ኒበል ገቢይ ክልኤ አምዕል አሰክ ርከብ ተለፎን እግል ነአተሰል እንግዕዝ። ሐቱ እም እብ ውላድ አባጽዐት ምንገብእመ እተ ክምሰልህ ምን እለ አካን እብ ሳውሪት እንዴ ረፍዐናህ ገቢይ ክልኤ አምዕል እት መርኩብነ አሰክ ርከብ አው ድሪት እንገይሰ እበ። እለ ህዩ እግልነ ምንገብእ ወእግል ሕሙማትነ መታክል ዐቢቱ ሕኩመትነ እትሊ ልብ እግል ትክሬ እግልነ እትወሰ ወደሐንኩም።

በደረሰብዎት ኢትዮጵያ

ምናድለት ያሺክ (4^ይ ወናይ ደንጎበ ክፈል)

ዲበ ሐልፈ 3ይ ክፈል ናይ እለ እብ ትሉሉይ ቀርብ ለህሌት ቅሰት፡ ሰነት 1984 እብ መርሐለት ህጽማት ጀብህት ሽዕብየትተ ለትትአመር። መሐለት መዳፈዐት ዲብ መሳወየት (ተዋዘን) ተዐዲት። ዲብለ ናይ ሰልፍ መርሐለት ህጽም ውቃው እዝ እንዴ ንሐኪክ ምን ጀብህት ቅብለት ሳሕል ደውሸሾቱ ለለትሐዜ መዳሊት ወድራሳት ተ'መ። ሰለሙን መዲብለ ናይ ንዳል ዶሩ እግል ለአግዴ እቱ ለተህየቡ ምህንት ሰወር፡ ለምን ስስ ዲብ ሰስር ለትወቀለየ ሰናዱቅ ፊልም፡ ምስለ ምስሉ ለኢልትፈንቱ ተቅሪር ለክትብ እቱ ገፍተሩ ምን አፍ ልቡ ለኢትትከሬ ካሚራቱ እንዴ ተዐንደቀ ምስል ጄሽ ሰፋሩ ጸብጠ። ዲብለ ሳልፋይ ህጽም ለሰር ላሊ አምበተ ህጽም አብ ዕን ሰለሙን ዲኢኮን እብ ዕን ካሚራቱ ኢትወሰቀ። ሳልፋይ ድፈዕ አባይ እንዴ ትበክኦ ህጽም ገጽ ቀደም አተላለ። እተ ልብል መብጠር ባዋረት ዐለት። ራብዓይ ወናይ ደንጎበ ክፋለ ቅሰት ልተላሌ.....

ብርጌድ 23 እት መርከዝ (መምርየ) አባይ ክምስል አተው ላኪን ዲብለ ትክ-አትን ጽልመት እግል ካሚራ ሰለሙን ለለትሐሰሴ አዋይን ትክለቀ። አባይ ለዲብ ባካት አውጌት ለዐለ መምተለካቱ ወሰልሑ እሳት እንዴ ቀርሐ እቱ ሰበት ሀርቡ አውጌት ምስል ድዋራተ እበ ነድ ብርካን ጀፍዋ ምን ለህለ እት መስል አደሐ ገብአት።

ሰለሙን ወካሚራቱ ገሌ እግል ሊበሎ ዐለ እሎም። ለባን ነድ ክምስል በርህት እንዴ ትጎፈዐ ካሚራቱ አትመጣወረ። ሙናድል ሕፋን ቃእድ ቦሎሎ፤ ምስል አፕሬተሩ የርዳኖስ፤ ለአሮት ፊድዮ ሀለው እንዴ ጸብጠ። ለካልኣይ ህዩ ፒኦርሲ እንዴ ጸውር እት እንቱ። ዲብ ፍሬም ናይለ ካሚራት አተዮም። ዲብ ጠረፍ እንዴ ፈግረው ገጽ ቀደም እት ለአሳድሮ፤ ለቀደምም ለዐለ ነድ እሳት ክምስል ባን ብርሃን እንዴ ትጎፈዐው ክልኤ ሰለስ ሾታት ነስኦ ምኑ።

ምን ዐለው እቱ ደብር አስክለ ጋድሞታት ክምስል ትክረው ላኪን ቴለል ትቀየረ። ደቅብ ዘብዋ ርሳስ በዝሐ...፤ ለክፍ ሞርታራት ወክቡድ ሰለሕ እብ ክል እንክር ሸዋነ። ዋያራት ሐርብ ዐስተር በጭበጨቤ፤ ፈሽሐኒት ጄሽ አባይ ህዩ ደባባቱ እት ለአባድር እግለ ካስሩ ለዐለ ባካት እግል ልብለስ ህንዲዶ ቤለ።

አባይ፡ ምን አውጌት እንክር ድማን እትለ ህለ ጋድሞታት እንዴ



ወደ ለከረ ሰለሙን ዐለው እት ቦሎሎኒ እግል ልክርድን ትባደረ። ህቶም ህዩ አስክለ ክምስል ገበይ ደሐን ለጌመመው ደብር እንዴ በድረው እግል ልብጸሐ ሰዐው

እንዴ ሐድጎት እቱ ለሐልፈት አምዕል፡ ምን ሐዲስ እንዴ ትዝመ አባይ ህሙል ወእስትሩሕ ዲብ እንቱ አደሐ ምድር እት ብቆት ካረዩ - 19 ማርስ 1984።



ወአለምበው። ምድር ክምስል አፍ ሾመት ጨበት። ዲብ ከርዶን ካምል እግል ትእቱ ለቀርበት ቦሎሎኒ ናይ ሞት ወሐዮት መዳፈዐት ወዴት። ዲብ ቀበት ክእነ ላቱ መሳድድመ ምንገብእ። ካሚራት ሰለሙን ትም ኢትቤ። እግል ወዲ ቀሺ ምስል አሮ ማንጃስ ዲብ ፍሬም አቱቱ፤ ርሳስ ክምስል ዓዘር ዲብ ሻውጦም ወዲብ እግር ሰለሙን ዲብ ልትበደድ ሰለሙን እትጀሕ ካሚራቱ እግል ለአክድ ትጸገመ። ወዲ ቀሺ ለምን ባካትለ ብራር ለዐለ ወዲ ሸወ እብ ዐቢታዩ እት ልትላኬ “ወዲ ሸወ” እንዴ ቤለ አፋሁ ክምስል ከስተ፤ ለማንጃስ እብ ብዝሐህ ዲብ ባካት ዘልም ለዐለ ርሳስ እንዴ ዳየገ ገጽ ቅርጡን ዲብ እንቱ “ቀጭ!” አበለት ያሺከ። ናይ ‘ሐቱ ለትአምር’ አሮ ሾት ለወሰቀዩ ሰወር’ እበአማን ‘ትም’ እንዴ ቤለ ለለአተንሰዩ የም አለቡ ከሊማት ለኢሸርሐ ሰመዕ በሲር ናይለ ገብእ ለዐለ መሪር ሐርብ ክምስል ገብእ ሰለሙን ሸክ አለቡ።

ወዲ ሸወ ወወዲ ቀሺ ዲብለ ብራር ምስል አባይ እንዴ ትዋጀህው እዴ እብ እዴ ሸፍ ገብእ።ቦሎሎኒ ሐቱ ዲብ ትትሓረብ ዲብ ከረ ወዲ ሸወ ተሓበረት። ሳልፋይ ጀርቤ ደውሸሾት ውቃው እዝ መታክል ሳደፈዩ ፈሸለ።

ለእብ ፈሸል ሳልፋይ ህጽም አንደቡ ለሐርዋዋ ለአመሰነ ሙናድል፡ ዲብ ወርሕ ናይለ ሸንርብ

ለሰሐበት ሱረት ሸክ ትቤ። ለሙናድለት፡ ለዲብ ትኔሽን ለዐለት ካሚራት ልብ ኢከሬት እግለ። ባሩደተ ዲብለ ሱዱድ ለዐለ መጋብ እንዴ አጸገዐት ዲብ ዔቅቢት ተ ፍርርት ለዐለት። ዕን ካሚራት እግል እለ ብላየ እንዴ ተዌት፤ ርደ እንዴ ለብስት እት ክትክተት እንዴ ትጸገዐት እግረ ዓጽፈት ለዐለት ሙናድለት ክለ ረአስ እት ፍሬም አተዩ። ሰለሙን ክልኦት ሾት ነስኦ ምኑ።

ትበገስ እንዴ ትበህለ፡ ሐርብ እግል ልትአምበት ወወዲ ፍርዙን ዲብ ልትግማጠዋ ሐቱ ገብአት። ካሚራት ሰለሙን ላኪን ኢጸብጠቱ። ላሊ እብ ግዲደ ሐርብ ትመየ። ፈጅራታመ አተላለ። ሰገ ዋራይ ለተአበሸል ጸሓይ ወቅተ እንዴ ተ'መ ዐሬት። ትብገስ፡ ሸፈዋ፡ ዐሬ! እት ልበህል ከረ ሰለሙን ማርስ ተክላይ በጽሐው። ሰለሙን እግል በሐር ክምስል ረኡ፤ ለእንዴ ትወለደ ለዐበ እት ባጽዕ ትካየለት እሉ። እግል ሐምብስቱ ላኪን ኢቤለ። ለምስል ልባሶም ዲብለ በሐር ጨብረቅ እግል ሊበሎ ለአምበተው ሙናድሊን እንዴ ሰወረ አስክለ እት ጠረፍለ በሐር

ሰለሙን ለዐለ እት ውሕደት



እት ፈንወንተር ናይለ አምዕልተ ዲብ ሕግስ ናይለ አባይ ለዐለ እቱ ደብር ጽግዕት ለትመዩት። ዲብ ማሲ ምድር ናይለ አምዕል ለህ ህዩ እግል ዕን ካሚራት ሰለሙን

ትሙሳት ለዐለየ ደባብ ወመካይን አባይ ረትዐ። ካሚራቱ ርይሕት ዲብ እንተ የም አለቡ ሾታት ዲብ ተአትናቄዕ ወዐለት።

ከረ ሰለሙን፡ ሐቆ መደውሻሽ ወቃው እዝ ዲብ ግራት ቶም ለሸፈው። በአስ ጋድሞታት አተላለ። ዋያራትመ እንዴ ደሀረየ ወትወቀለየ። እበ ተአብሀርር ክርንተን ወእበ ምን ዐስተር ለልትፈረቅ ስልሐን ምድር እግል ልሕረሳሁ አምበተዩ። ሰለሙን እግል ካሚራቱ እንዴ አዳለ ሰደፍ እግል ልጭቀዋ እት ልብል።

“ዘብጠት!ዘብጠት! በዋ በሎ!” ለልብል መትሀራሃር ጅማዐቱ እንዴ ሰምዐ እት ምድር አግሀመ። ለምስል ምድር ድህርት እት እንተ ለመጽአቶም ዋያረት፡ ክልኤ ምእት ምትር እንዴ ሬመት ምስል ደብር እንዴ ዳገሸት ጨበል ርንዐ ገብአት።

“ወድቀት! ወድቀት” ለትብል ብሸራት፡ ምስለ እብ ፈርሐት ለዐል ለክፍ ለዐለ ርሳስ እንዴ ትወሰከ። እግል ሰለሙን ምን እግሁም እት ለዐለ አካን እብ ሸፋግ ፍርግልጽ ቤለከ። “አሕ” እንዴ ቤለ ለምህም ሰነድ እብ ኢሰወርቱ ምስል አርወሐቱ ትራገመ። እብ ሸፋግ ዲብለ ወድቀት ዋያረት ክምስል ሰዐ ለዲብ ረአስ እንዴ ዐርገው ለክፍ ለዐለው ሙናድሊን ዐረ እዐም። ለምን ዋያረት እብ መደለት ለትክረ ሰዋግለ ዋያረት በዛብህ ጴዋርሴ ላኪን ደዐረ እቡ፤ እተ ዶሉ እብ መኪነት አስክለ ትከሰሱ አካን ጋይስ ዐለ።

አዜ ሐቆ ሰላስ ሰነት፡ ለ “ፈንጎሕ ኖሱ እግል ልዳግምቱ።” ዲብ ልብል ወሰወረዩ ሰወር ዲብለትፈናተ መናሰባት፡ ሳድፋ እት ህለ እንዴ ዐፈ ኢጸግበ። ክል ሱረት ምን ግራህ ለጸብጠተ ሕክየት ዲብ ፍክሩ መጽኡ እት ህለ ምስል ልትሃጌ፤ ምስል ለሓከ፤ እግል ሙናድለት ያሺካመ ርሱዐ ኢለአምር።



ቀበ ቲቢ እግል ለአክትም ፊራሮ መንገድ አርወሐት ነክተርድ

ቲቢ ምይት ባክቴሪያም ቲቢክሎሲስ ለልትቢባል ባክቴሪያ ለሰበብ ቀባቱ። ተቃሪ ክምሰለ ለአሸሮ እብ ደረጃት እድንዮ እብ ሰብብ እሊ እግል ልትሳፊ ለቀድር ቀብ። እት ክል ሰነት ዝያድ 1.5 ሚልዮን ለጉብእ አዳም መይት። እሊ ሀዩ እብ ሰብብ ይአምር፤ ድብር፤ ወዝልም ትጀፊ ለሀሌት ሓለት ለተአፈርህተ።

ውዛረት ዓፍዮት እሊ ቀብ እሊ እግል ተአትአምር ወደወ ካፊ እግል ተአውጅድ እግሉ እብ ክል ደቅብ ትክድም ምንመ ሀሌት፤ ፈዛዐት ወፈሀም አፍራድ ወምጅተመዕ እት ወቀሎት፤ ወእንዲ ሐመው ዕያደት ለኢገይሶ እግል ነአፍህም ወእግል ንብጽሐ እት ወጅብ ዕሩያም እብ ለይሀሌን ገቢል ወድዋራት እግል ንብጽሐ፤ አሰክ እሊ ሕለ ትርድት እግል ተአትሐዜናቱ።

ቲቢ ከፎ ተዐዲ

ቲቢ ለራክቡቱ ነፈር ዶል ለሀጥሽ አው ልሰዕል፤ ቲቢ ለሰብብ ገርባት/አንፋሲ እብ ገቢይ ሰርዐት አተንፈሶት ናይላ ሕያይ እንዲ አበለው ዶል ለአቱ፤ ለነፈር ለሕያይ ቲቢ ትረክቡ። ወእብለ ገቢይ እሊ፤ ቲቢ ምን ነፈር እት ነፈር ተዐዲ።

ቲቢ ለኢተዐዲ እብ አግቡይ

ቲቢ እምባል እብ ገቢይ ሰርዐት አተንፈሶት፤ እብ አግቡይ ብዕድ ኢልዐዲ። ቲቢ እብ አግርቡት ሕብር መትኅፍዖት፤ እብ ሕዋሉ፤ እብ ልባስ ወነጸጽፍ ሕብር አው እብ መትኅምሆት ገርብ ኢለዐዲ።

ቲቢ አዩ ከፈፍል ገርብ ተአደሚዕ

ቲቢ ክሉ ከፈፍል ገርብን እግል ለአድሚዕ ለቀድር ቀብ ቱ። ለበዜሕ፤ 80 ምእታይት ሸንብእ ለለደሚኤዕ እት ጉብእ፤ ለተርፈ

20 ምእታይት ሀዩ ከፈፍል ገርብን ለብዕድ ለአደሚዕ። እት ዐድን ሀዩ ክልኢቱ ርጅናስ ቲቢ ሀሊ።

አግደ አሻይር ቲቢ

ዝያድ ክልኢ ሳምን ለትክልእ ሰዕለት፤ ደም ለሐብር እቱ አውመ ለአለቡ ገልዕሱ መጸጸት ነሐር፤ ሸንህት ነብረ ኢህለዮት፤ ዶል አምሱይ ለለዐይር ሐዝ ወለህበት፤ ነቃሰት ከባደት ገርብ ወመያተት(መትሃዳል) ገርብ ከምክም።

ቲቢ ከፎ እንክረዕ

• ዶል ሰላል ወሀጠሽት፤ አፋን ወአንፍን እብ መንዲል

ልብአተ) ንትሸረፍ

- ቲቢ ለራክቡቱም አዳም ዳወዮት ውሓየዮት
- ልባስ ወነጸጽፍ ክል ምዕል እት ጸሓይ መዲድ ወሸባቢክ አብያት ፋትሐት።
- አጀኒት እብ ዋጅብ ፍድኢት ቲቢ ሀዩብ።
- ምርት ነፈር ቲቢ ሰንቡእ ዶል ትጸቢሕ እቱ፤ አንፋር ክለ ለጼወ ፈተሾት፤ ወምን ትቢ ለካፈሕ ሰራይ ሂበት።

ተረት ሙጅተመዕ እት ካፍሐት ቲቢ

□ መትኅዳይ ወራድኢት ሕድ ለዕላመቱ ለመድ ገቢል



ንዕሸቡ፤

• እት ከደን ኢንዋፊኢ፤ እት ቤት እት ተካይ ድቡእ እት እንጠፍእ ለጠፈፍእን እግል 10 ደቂቀት እንዲ አፍለሕን እት ምስተረሕ እንክዕዩ አውመ እት እት ሕፍረት እንደፍኑ።

• እብለ ሐለትናተ ነብረ ምዙዝንት(መቀዝያት ካፊ


ሐፊዜ፤

□ ሰብ መቅደረት ዓፍዮት እብ ክሱስ ቲቢ ለለሀቱብ ሐብሬ እብ ተአሰትህል መተላይ ወተግበርት።

□ እት ደዋይህን ለትትረከብ መአሰት ዓፍዮት እብ ዋጅንብ መትኅፍዖት ወቲቢ ለትትፈረህ እቱ አዳም እግል ልትረኤ(ልትፈተሽ) ወልትዳዌ አትናየዮት ወሰዲ።

□ ሰራይ ቲቢ እብለ ተአሰትህል ወእንዲ ኢትካርም ነሰእ ወቲቢ ሕማም ልትሳፊ ክምቱ አመርት።

ውዛረት ዓፍዮት ምስል ሰብ ሸርከተ ላቱ ናይ ዐድ ወካርጅ መአሰሳት እት ትሳዲ ቲቢ እግል በዩኖት ወሐብሬ ካፍዮት እግል መዲድ እብ ክል ደቅብ ትክድም ሀሌት። ሰበት እሊ ቀብ ቲቢ መታክል ዓፍዮት መጅተመዕ እት እንቱ እግል ኢለአተላሌ መሻረከት ገቢል እግል ትደቀብ ተአትፋቅድ።



ከበር ዓፍዮት

ዝክረት እድንያይት አምዕል ‘ቲቢ’፤ እብ ደረጃት ወጠን



ማርሰ 24 - እድንያይት አምዕል ‘ቲቢ’ እብ ደረጃት ወጠን “ሕማም ቲቢ እግል ለአክትም፤ ፊራሮ መንገድ አርወሐት ነክተርድ” እብ ትብል ስቅራት እት መዲነት አሰመረ ትዘክረት።

እተ መናሰበት ዲብ ወዛረት ዓፍዮት መስኡል ወሕደት ህድግ ወተእሂል አሰይድ አማኡል ግርማጽዮን፤ እብ አሳስ ተቃሪር እድንያይት መክዘመት ዓፍዮት ውብዕድ ዔማታት ዓፍዮት፤ ሕማም ‘ቲቢ’ ኦሮ ምን እት ታሪክ ዓለም አርወሕ ሚልዮናት አንፋር ለአፈኔ ለሀሊ ኬልም ሕማም ክምቱ እት ሸርሕ፤ ዝክረት ናይለ ዕለት፤ ሙጅተመዕ እብ ደረጃት ቃረት፤ ደውለት ወመዕዩ እግላ ሕማም ረድ ፍዕል እት ሂበት ወለ አግደወ ዶር እግል ጌማም ወግረ እሊ ዝያድ እግል ለአተላልወ እግል አትናዮት ለአመመ ክምቱ ሸርሐ።

እት ውዛረት ዓፍዮት መስኡል ፈርዕ ራቀቦት ለለዐዲ ሕማማት ዶ/ር አርአያ ብርሃኔ እብ ተረቱ፤ ሕማም ‘ቲቢ’ ዝያድ አልፍ ሰነት ምን አዶረው ሕማማት ክምቱ፤ አሰክ እሊ ሀዩ እብ ደረጃት

ዐለም እት ክል አምዕል ሐድ 30 አልፍ ነፈር ክምሰል ልትጸበጦ እቡ ወአርወሕ 4 አልፍ ነፈር ለአመይት ክምሰል ሀሊ እት ሸርሕ፤ ምስል መጽእ ገሸለት ኮቭድ-19 እብ ቲቢ ትመጽእ ለዐለት ሞት ክምሰል ወሰከት፤ እተ ለለዐዲ ሕማማት ሀዩ እግል ኤች ኣይ ቪ እንዲ ተለ ካልኣይ አግደ ሰብብ ሞት ‘ቲቢ’ ክምቱ፤ ወእግል ብዳሁ ለትመቅረሐ ጸገም ትሩድ ለትሀዜ ክም ሀሊ ወደሐ።

እንዲ አትሉ፤ ወዛረት ዓፍዮት፤ ምስል ናይ ሸቅል ሰብ-ሸርከተ እት ትትዓወን፤ ለሕማም እግል ልትራቀብ፤ እግል ሰብ-ምህነት ዓፍዮት እብ ዓመት እግል ሐካይም ‘ቲቢ’ ሀዩ እብ ፍንቱይ ተእሂላት እት ነዝም፤ ዳወዮት እብ ብስር ‘ዶትስ’ እት ክሉ ድዋራት ዐድን እግል ልውሰዕ እብ ጅድዮት ትክድም ክም ሀሌት አትአመረ።

እት እድንያይት መክዘመት ዓፍዮት መስኡለት መሸርዕ ቲቢ፤ ኤች/ኣይ/ቪ ወመላርዮት ላተ ዶክቶረት አሰፋሽ ጸሃዩ እብ ተረተ፤ ሕማም ‘ቲቢ’ እግል ልብዲ፤ ሐማይም እግል ልትሳረው ወውፋያም እት ከፊዕለ ሕማም ለተሰትህልሎም እግል ሊደው እት ተአትፋቅድ፤ እት ጸገም አብደዮት ቲቢ፤ እድንያይት መክዘመት ዓፍዮት ሰደይተ ክምሰል ትወዲ አክደት።

እተ መናሰበት፤ ሙጅተመዕ እት ዳፈዖት ወዳወዮት ሕማም ‘ቲቢ’ ለወድዩ ወቀይ ለለአርኤ ለትፈናተ ጽብጥ ልትቀደም እት ሀሊ፤ እት አትፋዘዕ ወሐብሬ ገቢል ለአመም ለትፈንተ ጅንሰ ጅግራታት ለተዐወተው ሀዩ ጀዋእዝ ተሀዩበው።





ማይ መሪር፡ ማይ ጥዑም በጸሐቡ ቡ! (1^ኛ ክፈል)

ለአገብአ ሕያይ አው አርወሕ ለቡ መክሉቅ እምበል ማይ እግል ልንበር ኢቀድር። ማይ ህይ ዕጩይ አብ አቅሩዱ አዳም ወሒዋን ህይ ምን ዓማቱ ረከቡ። እብሊቱ ህይ ማይ ሐያት ቱ ለትበሀለ። እሊ ልትበሀል እት ህላ ላኪን ማይ ሐያት እግል ልግበእ ማይ ነዲፍ ወሳፊ ዶል ገብእ ቱ። እብሊቱ ህይ ሐቀ ሕርየት እት ለትፈናተ ድዋራት ዐድነ እብ ዶልዶሉ ዐወሊ ዲብ ልትሐፈር፡ ከዛናት ዲብ ልትበኔ። ዐንድር ዲብ ልትመደድ ወመራክዝ ተወዘዕድ ዲብ ልዳሌ አዳም ወሒዋን ማይ ምን ቅሩቡ ወሸፍሩ እግል ልርከብ ልትከደም ለህለ። ማይ ህይ ሐያት ሌጠ እንዴ ኢገብእ አሳስ ዐቦት ወጠውርቱ። ማይ ለትወጀደ እት አካን ህይ ሽዑብ ልትከምከም ወነብር እት፡ እግል ርሐ ወንዋዩ ለገብእ ማይ ክምሰል ረክብ ህይ ምኑ እንዴ ሐልፈ ለሐርስ በኔ ወለዐምር፡ እብሊቱ ማይ ሐያት ማይ ዐቦት ወማይ ምስተቅበል ዐማር ለትበሀለ።

የም እትለፈናተ ድዋራት ዐድነ ዶል ትትሐረክ ክሉ ሽዑብ ለነብር እቱ ድዋራት እብ ጣቀት ጸሓይ ልግበእ ወመቶራት አውመ ምኑ ወተሐት እብ ገልል ወሃንድፓምብ መራዝክ ማይ እንዴ ዳለ ሽዑብ ማይ ነዲፍ ክምሰል ሰቱ ገብእ ህለ። እት ሰሩ ምድር ማይ ዋጅድ ዲብ እንቱ መሪር አው ጩወት እግል ልግበእመ ቀድር፡ ላኪን ክምሰል እት መሰል ትግራይት ለትትበሀል “ማይ መሪር ማይ ጥዑም በጸሐቡ” ለትበሀለ፡ አሰክ ማይ ነዲፍ ወጥዑም ትረክብ እት ሸፍርክ ለህላ ማይ መሪርመ አሰክ ማይ ጥዑም ትረክብ ምኑ ኢደብረከ። እንሊቱ ሽዑብ ነቅፈ እግል ሐገሌብ ማይ እት ሸፍሩ ምንመ አለቡ ማይ ነቅፈ ምነ መሪር አው ክቡድ ለልትበሀል ማይ ቱ። ሽዑብ ነቅፈ ላኪን አሰክ ማይ ጥዑም ረክቦ እሊ ማይ እሊ ሰቱ ወልትነፊያ ዐለው። እትሊ ለሐልፈ ወክድ ቅሩብ ላኪን እብ መትካሞም ወማርሒት ሕኩመቶም ምን ማይ መሪር እንዴ አባረው የም ማይ ጥዑም እግል ልሰተው እምቡታም ህለው። ከእትሊ ለሐልፈ ወሬሕ ፌብሩዋሪ ነቅፈ እንዴ በጽሐነ እብ ሰበትላ ሐዲስ ዓማት ማይ ነቅፈ ምስል ሰካን ወመስኡሊን ሁጁካም ዐልነ። ከታምም ጽበጥለ በርናምጅ ልተላሊ። አይወ ማይ ሐያት ቱ።

መዲነት ነቅፈ ምን አሰመረ እንክር ቅብለት እት ሐድ 220 ኪሎሜተር ለህሌት ዝያድ 16 አልፍ ምትር ምለዐል ጠፋሐት በሐር ወቅልት ለህሌት፡ ዓሲመት ምዴርየት ሳሕል ለዐለት የም ህይ ሐቱ ምን ምዴርያት አቅሊም ቅብለት በሐር ቀየሕ ለህሌት ቱ። ለኢልትበደል ዳይም ላቱ ታሪክ ወሰሰተ ላኪን ዕላመት ስሙድ ገቢልነ ወዓሲነት ሰውረት ኤረትርያ ቱ። እብ አድብር ደንደን ወቅርንጀሐት፡ ክምሰልሁመ ሰልሰለታይ ዐክክል እምባልቁ፡ ጣብረ፡ አቦሎ ወጠባይት

እንዴ ትከለለት ሕሊል ምየ ምን ቅብለት አሰክ ግብለት እንዴ ሸገዩ ዲብ ክልኤ ለከፍሉ፡ ሐጋይ ወከረም መሐገዝ ማይ ለአለብ ምንማት፡ ማይ ነቅፈ መሪር ወክቡድ ሰበት ገብአ ሰካነ ሐቱ አምዕል ለመሪር ማየም ዲብ ጥዑም እግል ልትበደል እሎም ልተምነው ወልታከው ዐለው። አምዕል ሐቱ ህሌት ምን ማይ መሪር እንዴ አኣብሬነ ማይ ጥዑም እንሰቱ እንዴ ቤለው ልተምነው ዐለው። እሎምቶም ህይ የም እብ ጅህድ ሕኩመቶም ወመትካም ገቢሎም ለሕልም ደንገሕ ገብአ።

ለዲብ ዘበን በዲር መዲነት ነቅፈ እሊ የም ጸብጠቱ ለህሌት ሸክል ወባጽሐቱ ለህሌት ተጠውር እንዴ ኢትበጽሕ፡ ለእብ ሐድ አትኩል ወመረበዓት ዲብ ዘበን ጥልያን ዝያደት ዲብ ልጠወር ወፋይሕ ገይሰ ለዐለ ድጌ፡ ንኢሽ ቂሾት ዐለ። እሊ ለልሸህድ ህይ እግለ ዲብ ሰነት 1933 እብ ወድ ጀርመን ላቱ ካርል ትርል ለትሰወረ ሰወር ሰመዕ በሲር ቱ። እተ ወክድ ለህይ ምን ክልኦት ለትረየመ ሰፍ ለኢሊሐልፍ ለዐለ መረበዓት ወአተለክብ ነቅፈ፡ ምስል ዲብ ክርስ ለዐለ ዕጩይ ቅልንቃል በለስ ጣሓይፈርህት ወጽብር ሰካነ ሰኒ ሐዳም ዐለው። እት ቀበት መዲነት እብ ከንቱባይ ዐሰማን ላደነው እቱ ለዐለው ወክድ ክምቱ ለናይላ ወክድ ለህይ ሰወር ልሸህድ። እተ መደት ለህ ነቅፈ ማየ መሪር ዐለ ሚ ጥዑም ናይላ ወቅት ለህይ ሰካነ ለአሙሩ። ላኪን ሰካነ ክእነ ክምሰል የም ብዙሕ ክምሰል ይዐለ ላተ ሸክ አለቡ። ምስል ብዝሐ ሰካነ ህይ ካፊ ማይ እግል ለህሌ ምህምቱ። ካፊ ማይ ሌጠ እንዴ ኢገብእ ማይ ጥዑም ወማይ ነዲፍ ምነ እግል ዓፍየት ወድ ዳም ድሩሪ ሰበት ገብአቱ። ሰካነ ነቅፈ እሊ ዐሸም እሊ እግል ለአትምሞ ልጀህዶ ለዐለው ወዲብ ደንገብ ለተዐወተው።

አማንቱ ነቅፈ የም ኢከም ማሊ፡ ሰካነ ምነ ቀደም ሰብዓታት ለዐለ ብዝሐ እብ ዕጽፋት በህለት ዝያድ ዐስር አልፍ ባጽሕ ህለ። አብያተ ወሸዋረዐ ህይ እብ ዘበናይ አግቡይ ትበነ። ነቅፈ ለግረ ሕርየት ቀደም ክሉ መዳይን ኤረትርየ ተክጢዋ ለገብእ መዲነት ገብአት። ለትፈናተ ከደማት ለለህይብ መአሰሳት ትበነ እተ። እብ ፍንቱይ ዲብ ተዕሊም ረኤነ ምንገብእ ለዲብ መደት እስትዕማር ሐቱ መአምብታይት መድረሰት ለዐለት የም ምን ረውደት እንዴ አስተብዴክ አሰክ ካልኣይት ደረጀት ክምሰልሁመ መድረሰት ፈንዩት ወመድረሰት ዕሉም እጅትማዕየት እንዴ ሓበርከ 9 መዳርሴ፡ ሐቱ እስብዳልየት፡ ቃዓት እጅትማዕ ምን ብቅት ወሒዝ እግል ትድሐን እብ ሐንቱ ምድር ለገይሰ ከናል ግርም ሴንዩት አው ጂራፍዮሪ ወመንተዘሓት ለትበነ እተ እግል ትንበረ ለትትዐሸም መዲነት ጋብአት ህሌት። ለዘት ወጠዐም ናይ ሐቱ ዐድ አው መዲነት ህይ ምስል ካፊ ወሳፊ

ዓማት ማይ ልጥዕም።

ነቅፈ ምስል ምን ወክድ ዲብ ወክድ ዲብ ዘይድ ገይሰ ለህላ ሰካነ ናይ ማይ መጣልበ እግል ሊዚድ ላብድ ቱ። ለእብ ቦጣት ወጃርካናት ዲብ ልትጎረት ዲብ ሽዑብ ልትወዘዕ ለዐለ ማይ ዝያደት ህይ መራራቱ ወነዳፈቱ እት ወግም እንዴ አተ፡ ሸዐበ ላዝም ማይ ጥዑም እግል ልሰቱ ሰበት ቡ እብ ናይ ኖሱ መባደረት ወማርሒት ሕኩመቱ፡ ለምን ወግሬት እብ ከዋ እግል ልምጸእ ለተሐሰበ ማይ ዲበ ወክድለ ሰልፍ ላተ ሸቅል መጅነት መሰል ምንመ ዐለ፡ መትካም ገቢል ወጸገም ሕኩመት ህላ ምንገብእ ላተ ለኢልትወዐወት ኢህለ። የም ሐቀ ሰኒን ብዙሕ ሰካነ ነቅፈ ለእግል ሰኒን አክል ማይ ጥዑም እንዴ ገብአ ለአረውየም ለዐለ ሻካት ወዘረ ሕሊል ምየ እንዴ ትባለሐው ምን ማይ መሪር ማይ ጥዑም እግል ልሰተው እምቡታም ህለው። ማይ ምየ ህይ ሕኔት ዲብ መዓል ሲቶ ዲብ መዓል ሐርስ ወዐማር እግል ልውዐል በክት ረክበ። ዲብ ማይ ወግሬት ለኢተሐሰበ ዕዋል እተ ሳድፍ እቱ ወክድ ላኪን ሸንክቱ ውልብ እንዴ ትቤ ኢትረሰዐናክ ማይ ምየ እንዴ ትቤ ለማይ ጥዑም ላምድ ለዐለ ገረግም እንዴ አቀመጪ ምን ቅርደዐቱ ግረ ክም ኢልብል ሸክ አለቡ።

ሰካነ ነቅፈ ማይ ጥዑም ክምሰል ትሸነህው አሰክ እምባልቆ ጠብረ ወአቦሎ ዲብ ለአንጎጉ ዶል እግል ሻሂ ወዶል እግል ሕጽቤ ለአንጎጉ እቱ ለዐለው ወቅት ሐድ ኢኮን። ሐቀ ሰኒን ብዙሕ ህይ ምን መዲነት ነቅፈ ጀህት ምውዳቅ ጸሓይ እት መሳፈት 9 ኪሎሜተር ለህላ ሕሊል ወግሬት እንዴ ሄረረው፡ ምነ ጥዑም ወነዲፍ ማየ ዔል እንዴ ሐፍረው ከዛናት በነው ከላሊ ወአምዕል እብ መጃምዕ ኪወ እንዴ ትነዝመው ከዋ ማይ መደው ወከናዛናት ማይ ወአካናት ተወዘዕ እንዴ ወደው ለሕልም መሰል ለዐለ ዐሸም ማይ ጥዑም ህይ ደንገሕ ወደወ።

እሊ ህይ እብ አማን ራሐት ለክልቅ ቱ። ለቀዳማያም ሰካነ ነቅፈ ወለ ዲብ ዘበን ንዳል እግል ዐስርታት ሰኒን ዲብ ነቅፈ ወድዋራት ሻፋም ለዐለው ምናድሊን እግለ ማይ መሪር ሕሊል ምየ ክምሰል ማይ ሰሐት ዲብ ቀርደዖ ለሐልፈው ምናድሊን እግል እሊ የም ብጽሕት ለህሌት ሐያት ነቅፈ ምን ልርኡ ሚ ገብእ ወቤለው። አማንቱ እሊ ሐቃይቅ እሊ እግል ንሸቄ ዲብ የም 24 ፌብሩዋሪ 2022 እስቡሕ ምን መዲነት ነቅፈ ምስል ሙዲር ምዴርየት ነቅፈ አሰይድ ያቅብ እድሪስ ወበዐል መቅድረት ድራውሊኮ ሻብ ሰሌማን ዒሰ አሰክለ አግደ ዓማት ማይ ወግሬት እግል ንብጸሕ ትበገሰነ። አሰክ ወግሬት እንበጽሕ ለህሌት ገበይ ሰኒ ሕሹክብት ወግምጪት አድብር ውቁል ወአወድግ ለትከለለት መሳፈት ሴዕ ኪሎሜተር እንዴ ሐልፍክ ዲብ ነቅፈ ማይ ጥዑም



እግል ተኣቱ ለሸቅል ቀሊል ክምሰል ይዐለ ምን መካሪተ ምድር ትትአከድ። ላኪን ንዳል መሪር ቱ ወፍሬሁ ጥዑም ክምሰል ልትበሀል ሽዑብ ነቅፋመ ማይ መሪር ማይ ጥዑም በጸሐቡ እንዴ ቤለው ሰእየት ወዐሸም እንዴ ኢበትኮ እግል ሰኒን ብዙሕ ከህለው። ማይ ነቅፈ ህይ ዔቱ ወግሬት ምን ገብእ ሰኒ ሰኔት። ሕሊል ወግሬት ክምሰል መዲነት ነቅፈ በዐል ታሪክ ወአብ ንዳል ቱ።

ወግሬት ምን መዲነት ነቅፈ እንክር ምውዳቅ ጸሓይ ወደግ

ሰሚናዊ በሕሪ ፡ ምስል ዲብለ ወክድ ለህይ አምዕል እብ ግዲደ እት ረከሰ ልሆብል ለዐለ ዋያር ሐርብ ወምን ቃብል ልትሞጠዕ እተ ለዐለ ፈዋሊል ወሰዋሪክ አባይ ሳክበት ይዐለት። የም ላኪን እሊ ክሉ እንዴ ሐልፈ ዓማት ማይ ጋብአት ዶል ትርእየ እበአማን ትትሐበን፤

እተ ወክድ ለህይ ለዲብ ሕሊል ወግሬት ዐለ ሽዑብ ልግበእ ወምናድል እግል ደሐኑ እንዴ ቤለ ዲብለ ሐንቱ ምድር ለትሸቀ ከናድግ ወቀብት ዕጩይ ለዐለ ትነጅ



ፈለክ እንዴ ሐለፍክ ዲብ ሐድ ሴዕ ኪሎሜተር ራይመት ለህሌት ሐቱ ምነ ዲብ መደት ንዳል ሽብህ ድጌ ጀብህት ነቅፈ ለዐለት ታሪካይት አካን ቱ። ወግሬት ለምን ሮረ ማሬት እንዴ ትበገሰ ምስል ብዕድ አወድግ ዲብ ልትሓበር ለሐልፍ ሕሊል እግለ እብ ተሰሰ ለገረመ ክሉለ ለህላ አድብር እንዴ ትከለበት ትርእየ ዲብ ህሌክ ለመካሪተ እግል ኖሱ ዝያደት ግርመት ለህይቤ። ሕሊል ወግሬት ዲብ መደት ንዳል እግል ጀብህት ነቅፈ ሸርፍ ለዐለ አጅህዘት መክተብ ጀማሂር ሳሕል ክምሰልሁመ ምን አፍዐበት እት ክርስ ክቱል ለዐለ ገቢል ዐድ ሼክ ወሐር ምን ክበሰ ለመጽኦ ሽዑብ

ወዐዘለት እንዴ ትፈንጠረ እግለ እብ መሸንገሉ ጽራር ዲብ ወዴ ለሐልፍ ለዐለ ዋያር ወህማማት መዳፍዕ እት ልቀርፈጭ ወምን ገጽ ምሴ ክምሰል አተደሐነ ምነ መውዕሉ ዲበ ሕሊል እንዴ ፈግረ እተ ልዳወር እቱ ለዐለ ወክድ ለምን ገጽ አምዕል ሮይ ልትረኤ እቱ ለይዐለ ወደግ ወግሬት ምን ገጽ ላሊ ላተ ዲብ ሐቱ ዕምር መዲነት ልትበደል ዐለ። እብ ክእነ ሕሊል ወግሬት ምን ወክድ አምዕል ዝያደት ወክድ ላሊ ልትዐመር ክምሰል ዐለ እተ ወክድ ለህይ ዲብ እሊ ባካት እሊ ለዐለው ምናድሊን ወሸዐብ እት የም እንዴ ገብአው ልትሃገው።





ዑመር ዑስማን

ባጽዕ፡ ዲብ ወጠን ወወጠንዩት ለረከዘ ሰሚናር ገብአ

ሸባብ፡ ዲብ ታሪክ ወፈሀም ወጠን ወወጠንዩት ለቦምቱ ፈዛዐት ወፈሀም እግል ወቀሎት፡ እቦትወቀለት እግል ልትከደም እቱ ክም ወጅብ ኬትባይ ወባሕስ ታሪክ አሰይድ አለምሰገድ ተሰፋይ እግል ሸባብ ሸቃለ መዲነት ባጽዕ ዲብ ወደዩ ሰሚናር አፍሀመ።

ዲብ ዮም 25 ማርሱ፡ ዲብ ቃዐት እዳረት አቅሊም ዲብ ተሀዩበ ሰሚናር፡ አሰይድ አለምሰገድ ተሰፋይ አሳሰ ኤረትራ



ወጠን ወሀውየት ወጠንዩት፡ እስትዕማር ወዋይዲብ ዌረት ወመስተዕምረት እብ ሕበር፡ ዲብ መጋብሀት ወአፍሸሎት፡ ተረት ዐባይ ክምሰል ዐለ እሉ እንዴ አሸረ፡ ወጠን እምበል ጅንሰዩት ወጠንዩት እግል ልትቃወም ሰቦት ኢቀድር - ታሪክ ኤረትርዩ ወገቢለ ሰመዕ በሲር ናይ እሊ ክምቱ አፍሀመ።

ሐቃይቅ ወቁሪነ ታሪክ ኤረትርዩ ወምስትንክራት ሸዐበ እግል አመርት፡ ዲብ ወሰቀቱ ወዲብ አግማም አትሐላለፎቱ አሀምየት ዐባይ ክምሰልቡ ለአሸረ አሰይድ አለምሰገድ፡ ለተሐለፈት ጅርቦት ወለደፈዐ ዐውል ቃሊ ዲብ ሸባብ እብ ዋጅብ ኢሰብቀ ምንገብእ፡ ለናይ አማን ታሪክ እግል ልህሰስ አው ልብዴ ክምሰል ቀድር ወደሐ።

አሰይድ አለምሰገድ፡ ሸባብ ዲብ አግቡይ ፈሀም ወጽብጠት ታሪክ እብ መትአያስ እግል ልሻርኩ ወአሰረ እብ ደሞም ታሪክ እንዴ ሸቀው ለሐልፈው አግማም እግል ልትለው እንዴ ትፋኑ፡ ክሉ ታሪክ ኤረትርዩ ወሸዐቡ፡ እብ ተማሙ እግል ልትከተቡ፡ እብ ገበይ ዕልምልዩት እግል ልትድረሱ ወእንዴ ሚመው እግል ልክተቡ፡ አትፋቀደ።

መሻርኩት፡ ናይ ትሪክ አክትቦት ምን ሐዲስ እንዴ ጠበዐ ለልትነሸር እተ አርድየት እግል ትጥፈሑ፡ እብ ሰቦት ታሪክ ኤረትርዩ ወገቢለ ለትከተብ ዲብ አፍላም ወሳይቂ እግል ልትበደል እግል ልትሸቁ እቱ ለልብል ውብዕድ ረአይ አቅረበው።

ለመድ ተእጂል

በርናምጅ ዶል ተአፈግር፡ እግል ተአግድዮም ለብከ ሓጃት፡ ዕድም (መዋዕዳት) ወብዕድ እግል ትውደዮም እት ቀድር ዶል ተአደንግሮም፡ ተእጂል ልትበሀል። ለመድ ተእጂል ገጽ ቀደም አሰክ ተጠውር እግል ኢቲበል መሐል ከእት ገብእ፡ እትለ ምስል ካልኢታት ትትቀየር ለህሌት እድንዩ፡ መጦረ እግል ትሰዴ ወተአለምቤ ገአከ ምን ገብእ፡ እሊ እት ለዐል ለሰሚናሁ ለመድ እግል ተአብዋሩ ክም ወጅብ ቄድረት እሊ መጃል ለአክዶ። ክም ሸባብ ህዬ እትሊ ናይ ንእሸ፡ ቅወት፡ አምር ወመቅደረት ለእንመልክ እቱ ዕምርነ፡ ኤታነ እት ነአጅል ወበራምጅነ ወቅት እት እንቀይር እግሉ ሓለፍናሁ ምን ገብእ ሐር ለለአተዕስ ቱ።

ከዮም ናይ ተአጂል ለመድ ብነ መኢኮን እግል ነአምር፡ እሊ ለተሌ ንቃዋ ንርኤ። ምን እሉም እንዴ አትሌነ ለእንሰምዮም ንቃዋ፡ ምስል ሐምስ አው ምን ሐምስ ወለዐል ገበልነ/ሰኒ እንቤ ምን ገብእ፡ ለመድ ተእጂል ብነ በህለት ቱ።

- 1, ለገአ ክቡድ መጃል ሐቆ ሳደፊኒ እት ወቅት ሓር ዐድዩ።
- 2, እግል አሮ በርናምጅ አነብዮ፡ ክብድ ቢለ እቼ ምን ገብእ ህዬ ወቅት እቀይር እግሉ።
- 3, ክሉ ወክድ ለገአ ሸቅል እግል አንብት ኩብድ እቼ።
- 4, እግል ብዝሓም አሸቃል እት ሐቱ ወቅት አንብቶም ወሰርም እምበል እንትበህ አገድዮም።
- 5, ለኢረይሐኒ ሸቅል ወቅት እቀይር እግሉ።
- 6, በደል ለሐሰብኩሁ ሸቅል እት ወቅቱ አተምሙ፡ ሰብብ እብ ክልቀት ወቅት አትራይም እግሉ።
- 7, እግል ምር ሸቅል እብ ከአፎ አንብቶ አው አተምሞ ሐቆ ኢወድሐ እዩ ወቅት እቀይር እግሉ።
- 8, እግል እሸቁ አንብት ወእንዴ ኢአተምም እበጥር ምኑ።
- 9, ለገአ ሸቅል ሐቆ ኢአንተብህኩ እግሉ ለበዴ/ለኢእረክቡ መሰለኒ።
- 10, አዩ ሸቅል እብ ቀደም ትሌ እግል አግዴ ለአግመኒ።
- 11, እሸቁ እት ህሌኮ በደል፡ እግል እሸቅዮ ህሌኮ ሸቅል አንተብህ ብዕድ ፍክር ሐሰብ።

ናይ ንቃሽ ቅድረትክ እብ ከአፎ ትወሰክ

ሐያት ወድ ሚን አድም እብ ብዘሕ ተሐድያት ለትመለኦት ወእምበል ሰደየት ሕድ፡ ምስዳር ለኢትገይስ እታ ተ። ለእንተ ኢትመልኩ ሓጃት እግል ብዕድ ነፈር ህለ፡ አንፋር ብዕዳም ለኢመሉኩ ሓጃት ህዬ ምስልክ ህለ። ክእኒ ግብአተ ህዬ፡ ንቁሳትክ ምስል ብዕዳም አንፋር እብ መትሳዳይ አትመሞት ልትቀደር።

እሊ ክሉ ሓዘነ ወምራድነ እግል ንርኩብ ገአነ ምን ገብእ ቀደም ክሉ ለመጽእ፡ ናይ ንቃሽ ወእግል ትትፋሀም ዐቅም

ለአትሐዘከ። መትሃጋይ አሳሰ መፋሀመት ወድ ሚን አድም ቱ። ክሉ ከጥዋት ወድ ሚን አድም እብ መፋሀማት ለትመለኦቱ። መትሃጋይ ህዬ ቅያስ ለአለቡ ህያብ ምን ረቢ ቱ፡ ክእኒ ሰቦት ገበአ ህዬ፡ ለባም አንፋር “ህግዩ ክም ትንፋሰ ተ” ለቤለው። ልእኩታትነ እብ ለትፈናተ አግቡይ እግል ነሓልፋ እንቀድር፡ እት አምዕላይ ሐያትነ ወእብ ለበዝሐ ለልትነፈዕ እበ ገበይ ላኪን መትሃጋይ ተ።

መትሃጋይ ክሉ ንሳል ለቡ ነፈር እግል ልውደዩ ለቀድር ቱ። በሰር ወለባቦት ህግዩ ለመልኮ አንፋር ህዬ ምለዐል ክሉ ቶም፡ ሰበቡ መቅደረት ህግዩ ራትዐት፡ ቀደም መትሃጋይክ ፈከሮት፡ ሐዳም አንፋር ቶም ለቀዳሩ። ሰሩ አውቃት እብ ኢቀዳር ህግዩ ወበሰር አንፋር፡መአሰሳት ወድወል እት ነዐር እት ለአትዩ ልትረአዩ። ከምን እሊ እንዴ አትሌነ ናይ ንቃሽ ወመፋሀመት ቅድረትነ እብ ከአፎ እንወሰክ ለሰድዩ ንቃዋ እግል ንርኤ ቱ።

1, እተ ትትፋሀም እቱ ወቅት እብ ሰብር ወእንትበህ እት ሰሚዕ እግል ተርጀመት ለልትበህለ ከሊማት ወሸዐርለ ነፈር ራቀቦት ምህምቱ። ክሉ ወቅት ክመ ሕነ ዶል ንትሃኒ አንፋር እብ እንትባህ እግል ልስምዑነ ለነሐዘ፡ አንፋር እተ ልትሃገው እቱ ወቅትመ፡ አክልሕድ ምኒ እሊ ክም ልትጸበር እግል ነአምር ለአሰትህል። ከሊማት ሌጠ እንዴ ኢገብእ ህዬ፡ ሸዐርለ ነፈር እብ ራቃብ፡ ሸከረትለ ንቃሽ እግል ትፈሀም ጀረቦት።

2, ነፈር ብዕድ እት ልትሃኒ፡ እት ፍንጌ ብዕድ ፍክር እግል ተኣቱ አለብከ። እግል ልትሃኒ ህለ ነፈር ሸዐሩ ወፍክሩ ሰቦት ትሰብር ምኑ፡ ምን ልትቀድር እንዴ ጸበርነ ክም ህግያሁ አትመመ ረአይነ እግል ነሀብ እንቀድር። ክመ ሕነ አዳም ካጥርነ እግል ልሰበር ለኢነሐዘ፡ እግል ብዕዳም አንፋር እብ ሰብር ህግያህም አሰክ ለአተሞ መትጸባር፡ ለባቦት ቱ። ብዕድ ረአይ እተ ተሀይብ እቱ ወቅት፡ ምን ናይለ ነፈር ፍክር ዶል ተኣነቦት፡ “አይወ አባንካቱ፡ አናመ እብ ጀሀቼ ክእኒ መሰለኒ...” ምን እንብል፡ ሰኔት ኩብቱ ምነ ልትሃኒ ለህለ ነፈር እንረክብ።

3, ምር ነፈር ልትሃጅክ ምስልነ እት ህለ፡ ምነ መበገሲ ፍክሩ እግል ለአለውጥ ቀድር። ክእኒ እተ ሳድፍ እቱ ወቅት ‘ክም ለተዐወትነ እት ነአመስል ወነአደፋርስ “መበገሲ አርእስክ ላኪን ክም እሊ ዐለ...” እግል ኒበሉ አለብከ። ክምስልነ ክምቱ ወዶል ከልሞ ሰደየት ወአትሳጅያት ክም ለአትሐዘዩ እንዴ አመርነ መጥሩ ንብጠር።

4, እብ ወግም ለሐሰብናህም አሰእለት እት ረአሰነ ንጽበጦም። ቀደም አሰእለት ቀደሞትነ ህዬ፡ እሊ መትሃጅካዬ ክእኒ አሰእለት ፈቱ ገብእ መኢፋሉ እት እንብል እግል ነፍሰነ ንትሰአል።

ለትሰመዴኒ እግል እትሃኒ ብዬ እት እንብል፡ ለኢገብእ፡ ምስል መለሀይነ ለለአትብእሰነ፡ ወወቅት ሓር ክም ኢንትራኩብ ለወዴ፡ እኩይ ከሊማት፡ አረእ ወእስእለት ምኑ ንትሓፈዝ።

5, ሐሰት ቀልብ ወድ ሚን አድም ተኣኪ። ኢራትዐት ተ፡ እኪት ትክልቅ፡ ተአትብእሰ፡ ምስንዮት ተአትባትክ፡ ሸቅል ሐር ትበልስ ወንቃሽ አሰክ እኪት ትነሰእ። ክሉ ወቅት መፋሀማትነ፡ ንቃሸነ፡ ህጅክነ ውብዕድ እት አማን ለአተርገዝ እግል ልግበእ ቡ። ሐሰት እግል ዶሉ የምክን እግል ተዐውተነ ወምለዐል ክሉ እግል ትውዴነ ትቀድር፡ አክረት ላኪን አለቤ። እሊ ሌጠ ኢንዴ ኢገብእ፡ ሐሰት እትለ መጽእ ወቅት ክሉ መፋሀማትነ እት ተልገ ለትክሬ ተ፡ ሰበቡ “በዐል አመል አመሉ ኢሐድግ ወደብር አካኑ” ለትብል መሰል ንዘክር፡ ክእኒ ፍክር ለቡ ምጅተመዕ፡ ሐቱ ዶል ተሐሴ ሐቆ ረኤክ፡ ካልእ መረት እግል ልእመክክ ኢቀድር።

6, ቀደም መትሃጋይነ ሚ ሐብሬ እግል ነሀብ ነሐዘ ህሌነ፡ ወምን እሊ ረአይነ ለነፈር ሚ እግል ልክሰብ ቀድር እት እንብል ነፍሰነ ንትሰአል።

7, ወቅት አሳሰ ክሉ መፋሀማት ቱ፡ አማን እት ኢአካነ ወወቅተ ሐሰት እግል ትግበእ ትቀድር። ሰቦት እሊ እግል ኒበሉም ለነሐዘ ሓጃት እግል ምን፡ እተዩ አካን፡ ወአዩ ወቅት እት እንብል፡ ረአይነ አንፋር፡ አካን ወወቅት እግል ንሕሬ እሉም ለአሰትህል። ክእኒ ወዴ መፋሀማትነ ሰኔት ፍገሪት እግል ለሀብ ሰዴ።

እግል ሐፈዝናሁ እብ ቀሊል እግል ንትዘገቡ ለሰድዩ ንቃዋ

1. እግል ክል ጦግ አው ገጽ ሐቆ አትመምነ፡ ቅራኦት እንዴ አብጠርነ፡ ሰኒ ፍሁማሙ ክም ህሌነ እግል አመርደዮት እብ ናይነ ሕሳብ ወከሊማት እግል ንክተቡ ንጀረብ።

2. ፈገግር አው ጭመም እት እንወዴ ምን እንቀርእ ሰኒቱ፡ ሰበቡ እት ካልእ ሕሳብ እግል ኢንጊስ ሰዴነ ወናይ መትዘካር ቅድረናመ ለዓብዩ።

3. ፈገግር አው ጭመም እተ ነአፈግር እቱ ወቅት፡ አወል እግል ጦግ እብ ዋጅብ ንፍሀሙ፡ ሐቆሁ እግል አግደ መፍሀም እብ ናይነ ከሊማት ንክተቡ።

4. እተ እንቀርኡ ህሌነ ክቱብ አሰማይ፡ ዕሶታት፡ ዓላብ ወሰወር ሐቆ ህለ እንዴ አንትብሀነ እንዴ ደጋገምነ ንክተቡም፡ ንርአዮም ወእት ሐንገልነ ንሰውሮም።

5. ከሊማት አው አሰማይ ሐቆ ገበአው ምስል ሚ እግል ነአትጸብጦም ክም እንቀድር ንፈክር። ምስል አሰማይ ናይ ለቀርቡነ አንፋር፡ ዓይለትነ፡ መልህደምነ፡ ምስልነ ለሸቁ ወለደርሶ አንፋር እግል ነአትጸብጦም ንጀርብ።

ልባብ ሽር ለዘርእ፡ ሽር በትክ

ዎሮት ሰኔ ሽራር ወረሕመት ለአለቡ መልክ ነብር ነብረ። እሊ መልክ እምበል እኪት እንዴ ኢኮን ሰኔት ክሉ ረእሱ ወዴ ኢነብረ። ወእብሊ ሰብብ ለእሎም ለሐክም ዐለ ሽዑብ እኪቱ ፈቱ ወሞቱ ሌጠ ልተምነው ዐለው። ወእብላሁ እት እንቱ፡ ሐቱ ምዕል አመተ ኢተአመረት ህቱ እለ ሰከቱ እለ እግል ልበድለ ወገበይ ብዕደት እግል ልጽብዋ ምነ ቅሩር ክም ሀለ

ቀጣፍለ ክልብ ሰበት ትክረ ለክልብ እግሩ ትሰበረት። ላመ እናስ ብዙሕ እንዴ ኢለአረይም ፈረስ ፈርጠዩ ውብርኩ እንዴ ደውሸሸት እግል ጡል ሕያቱ ጀግሐ ወመስከ።

ላመ ፈረስ እለ ክም ወደ እት ልሰዴ አንበተ ምናተ ሐቱ ሕፍረት ሰበት ትክበተቱ ህቱመ እንዴ ወድቀ እግሩ ትሰበረት።



ዐለነ።

ሐቀ እለ ዐደም ረሕመት፡ ወከደድ ዐዳለት ክም የሀለ ገለድ አተ እሎም ወበያን እብ ዐመል አርአዮም፡ ወምነ ዶል ለሀ ወሐር ሓይስ ሓይላም ገብአ እሎም።

ሐቀ ሐዳይ ወቅት ዎሮት ምነ ውዘራሁ እለ ክምእነ ለበለሰቱ ምስምስ ሚተ እግል ልፍሀም ምኑ ሐጠሩ እንዴ ጀምዐ ወርሐ ረቢ እንዴ ሰለመዩ ሰአል ወጀሀ እቱ።

ለመልክ ህዩ እሊ ተሌ በሊስ ሀበዩ፣ “ዲብለ ቀበትለ ደብዐት ፈረሰዬ እንዴ መስኮ ዲብ እትሸወር፡ ዎሮት ዓክራብ ክልብ ልትካረፉ ለዐለ እሉ ረእኩ። ለዓክራብ ርሐ እግል ለአድሕን እት ሰኬ ዲብለ ግብ አተ፡ ምናተ እሊ ለክልብ እንዴ ዐረ እቡ እበ ሸርባሁ ክም ተአልበጠዩ ወእግል ክለ ሐያቱ ክም አመስከንዮ ሌጠ ቱ ለዐለ።

ሐቀ እለ ገበዩ አሰክለ መዲነት እንዴ ጸበዋኮ አሰክ ዐድ ዲብ አቀብል ለክልብ ለእግለ ዓክራብ ነክሸ ኖሱ እሉ ሳደፍኩ፡ ዎሮት እናስ እሉ ነቤሕ ዐለ። ክመ እለ ረእኩ፡ ለእናስ ሀርደነ ዎሮት እንዴ ሀረስ እግል ክልብ ህያብኩቱ ቤለዩ። ወእሊ ሀርደነ ለእናስ ወርወረዩ እተ

ከእሊ ክሉ እት ቀደም ዕንቼ ለጀረ ጋራት ክም ረእኩ፡ እኪት እኪት ክም ተወልድ ትዩቀንኩ። ወእነ እበ እለ ጸብዋ ዐልኮ ገበይ ዶል አተላሌኮ ሐቱ ዶል ለዐመልዩ እግል ልፍገር እትዩ ክም ቱ ተአከድኩ። ከእብለ ምስምሳቱ ለሰከትዩ ቀየርኮ ወአደብዩ ለበደልኮ” ቤለ።

ለወዘር ህዩ ሐቀ እሊ ወቅት ለእሊ ለመልክ እቱ እንዴ አንገለበ እት ዐርሸ ለልትገሴ እቱ ወቅት ታምም ክም ሀለ ትረአዩ፡ ወእግለ ሸዑብ ምስሉ ወመጦሩ እግል ልብጠሮ እግል ለአትአምኖም ተሐት ወለዐል ቤለ። ወእብላሁ ተሐት ወለዐል እት ልብል ምክራይ እግሩ ሰበት ሀመለ እንዴ ወድቀ ሲጋዱ ትሰበረ።

ከአከይ መዋዲትነ እንዴ ልብል ዐለ ምዕል ሐቱ ክሉ ለእት ረአስ ብዕዳም አጅሬናሁ መዋዲት ለመንገሉ እንዴ ለዐሰስ ዐለ እተ መሸንገልነ ሌጠ ልትከፊ፡ ወእተ ክምሰልሁ ሰኔት ወዴነ ምን ገብእ ህታመ ለእለ ጌሰት ትጊስ እት ትብል፡ ሐቱ ምዕል ላዘምቱ ሰኔትነ እግል ንትክበት። ከእኪት እግል ብዕዳም ለወዴ ምዕል ህሌት ህቱመ እኪት ለልትክበት አተ።

ለዐበ ዐዶ ናይ አሆታይ ሕሳባት

እብ ክሱስ እሊ ጋር እሊ ብዙሕ እተ ትቀርእ እቱ ወቅት፡ ኢፋሉታይ ሕሳባት ለዐበ ዐዶ ናይ አሆታይ ሕሳባት እግል ልምሰል እትክ ቀድር፡ ምናተ እሊ እት ገበዩ ለይሀለ እዕትቃድ ቱ። አማን ዶል ነሐዜ፡ ለዐበ ዐዶ ናይ አሆታይ ሕሳባት መስምስ ቱ።

መስምስ እተ ትወዴ እቱ ወቅት፡ እንተ እተ ዶል ለሀ እግለ ኢፋሉታይ ሕሳባት መንገአት ትፈቱሕ እሉ ህሌኩ፡ መስምስ ክል ዶል እንተ ዐቅልክ እግል ትቅሸሽ ለትወድዩ ጀርቤታት ቱ። እንተ ምን ሐቱ መስኡልየተ ጸብዋ ለእንተ ጋራት እግል ትህረብ እተ ተሐዜ እቱ ወቅት፡ ክል ዶል አሰክ መስምስ ቱ ለተሀርብ።

እንተ ክል ዶል ተአትመሳምስ ሐቀ ገብአክ አሆታይ ሕሰባይ እግል ትግበእ ለህለ እግልክ በክት ሰኔ ሐድ ቱ ውበዙሕ ሰዑብ ቱ። እንተ ዎሮት ምነ መስምስ ለወዱ ሐቀ ገብአክ፡ አሰክመ ምን ገበይ እሊ መስምስ እሊ ይአወለዋኩ፡ አሆታይ ሕሰባይ እግል ትግበእ ለትነሰአ ገበይ ብዙሕ ተዑብ ወጅርሰት ለብእቱ ወቅት ረዩም እግል ትንሰእ ምንካ ቱ።

መስምስ እንብል እት ህሌኩ እብ ክሱስ ገሌ ጋራት እንተ እብ አማን ገበይ ዕውጅት ናሰእ እት እንተ፡ ዐቅልክ እንተ እት ገበይ ራትዐት ክም ህሌክ ዶል ለአተምሰል እትካ ቱ። መስምስ እንተ ክል ዶል ራቱዕ

ክም ህሌክ ወክሉ ረአሰክ ቀለዋ ክም አሉብክ ለአክድ እግልኩ፡ ምናተ ለአማን አክል ሕድ ዶል እንፈጥኩ፡ መትነፈዕ እብ መስምስ እንተ እተ ኢፋሉታይ ሕሳባት እግል ትትሐበዕ ለትወደዩ ፍዱሕ ጀርቤታት ቱ።

ከእንተ አሆታይ ሕሰባይ እግል ትግበእ ሐዜክ ምን ገብእ፡ ወእለ ሐሊት ናይ አሆታይ ሕሳባት እት ሐያትክ እት ወቀይክ እግል ትትነፈዕ እበ ገብአክ ምን ገብእ፡ ምን መስምስ ለልትበህል ተማም እብ ተማም እግል ተአወልዋ ወተአሪም ብዲብኩ።

መስምስ እግል ቱዴ እተ ትትሸነህ እቱ ወቅት፡ ሐቱ ዶል ብጠር፡ ወምሰል ርሕክ እንዴ ሐሰብኩ፡ እግልሚ ቱ ለእግል ተአትመሳምስ ተሐዜ ህሌክ ትሰአለ፡ ወምን እሊ መስምስ እሊ እንተ ሚ እግል ትርኩብ ተሐዜ ህሌክ? ወእሊ እሉ ትወዴ ህሌክ መስምስ ህዩ ሚ ምንፈዐት ብዲቡ? ለልብሎ አሰእለት እግል ርሕክ እንዴ ተሰአልክ በሊስ ራቱዕ እግል

ትርኩብ እሉም ጀርብ።

ለተዩልል እብ አማን ሚ ክም መሰል እግል ትትፋጠን ጀርብ፡ ወእለ እንተ መስምስ እግል ቱዴ ትትሸነህ እብ ለህሌክ ሰብብ ሚ ክም ቱ እግል ትፍሀም ዋዋን። እንተ እተ ኢፋሉታይ ሕሳባትክ እግል ትልጠእ ሰበት ሐዜኩ፡ ለአሆታይ ሕሳባትክ እንተ እት ገበይ ክም ህሌክ እግል ተአክድ እሉ ሰበት ሐዜክ ቱ ገብእ? እሊ ክሉ ለወድዩ ጋር ቱ ወካሰተን ህዩ እሊ ለነፈር እሊ፡ ለናይ አሆታይ ሕሳባት ሐሊት እግል ሰልፍ ዶሉ እግል ልትነፈዕ እበ እንቡት ሀለ ገብእ ምን ገብእ።

ሰእየት ኢትብተክ ወእዳክ ኢተህብ፡ ከዶል ለርሕክ አሰክ መስምስ ትነዘዐካተ፡ እሊ ክሎም ዓቅላም እብ ሕበር ለወድወ ታክቲክ ወእተ ኢፋሉታይ ሕሳባት ክም ነሆንጦዋል እግል ልቀሰበነ ለልሐዜ እትጃህ ፍክር አክል ሕድ እግል ትፍሀሙ ወእብ ፈላዐት እግል ትባሰሩ ለአትሐዜ።

ተበሰም

እት ዎሮት መጣር፡ ሐቱ ብዙሕ አዳም እግል ትጽዐን እምምት ለዐለት ርሕለት ተርፈት፡ ወዲበ እግል ልሳፍሮ ሕሰባም ለዐለው አዳም ምን ሐዲስ እግል ልትሰጀሎ ሰፍ ረዩም ዲቡ አሰር ሕድ ቱቱ ብህላም ዐለው። ዕማል ናይለ መጣር እብ ገበይ ዕግልት ወንቅለት ምስለ ዐማይል ለትዓመለ ነፈር ጃእዘት ልትሀየብ ነብረ። አዜ እግል ሙሳፍሪን ትሰጅል ለዐለት ወኪለት ናይለ ሰፈርያት እለ ጃእዘት እለ እግል ትርኩብ ረቢ ቃሰም እለ ዐለ ገብእ፡ ዎሮት ምነ ምሳፍሪን እግል ክሉ ለሰፍ እንዴ ካዩደ ሰኔ ሓርቅ እት እንቱ



እተ ቀደሚህ እንዴ በዋራ፡ እግል ተዘከረቱ እተ ቀደሚህ ለጠረቤዘት እንዴ ዘብጠ እበ “አነ ምስል እለ ርሕለት እለ እግል እሳፍር ብዲብዩ፡ ወላመ እተ እሳፍር ደረጀት ላዘም “ደረጀት ስዮሐት” እግል ትግበእ ብዲብ” ቤለዩ።

ለወኪለትለ ሰፈርያት ህዩ እለ ክም ሰምዐት፡ “ኢትጽብዋ እትዩ መንበ፡ አነ እት ሰልፍ እሊ እሉ ትርኢ ህሌክ ሰፍ እቱ ለሀለ አዳም እሉ እግል እስዴ ብዲብዩ፡ ሐቀህ ህዩ ደሐንቱ የምክን ገሌ እንወዴ፡ አዜ ሰብር ውዴ” ቱለቱ።

ለመሳፍራይ ህዩ ሰእየት ዋዲ ዲብ እንቱ እብ ክርን ውቅል ክሎም እተ ሰፍ ምርሐሬሁ ለዐለው አንፋር እግል ልስምዕወ ለቀድሮ፡ “አነ ምን ክም አነ ህዩ አምረትዩ ህሌኪ ማሚ?” ቤለዩ።

ህተ ህዩ ወለ እግል ሐቱ ዶልመ እንዴ ኢትትረበሽ ስሕቅ እንዴ ወዴት፡ እግል ትሌፎን ናይለ ዓላቃት ዓመት እንዴ ሰሐበት። “መልሀይ ልብ እንዴ ከፊክ አተንሰኒ” ለክርነ ክሉ እተ ሰፍ በዋር ለዐለ አዳም ክም ሰምዐ እንዴ ወቀለተ፡ “ዲብ እለ እተ ህሌነ በዋበት ዎሮት ነፈር ህቱ መን ክም ቱ ለኢለአምር ማጽእነ ሀለ፡ ከዎሮት ምንኩም ህቱ መን ክም ቱ



እግል ለአሰእሉ ለቀድር ሀለ እትኩም ምን ገብእ፡ ሻፍግ እት እንቱ እትለ 17ይት በዋበት እብ ሰዐይ ልምጸአነ” ቱለቱ።

ለጀማዩዕ ለእተ ሰፍ ዐለው እለ ክም ሰምዐው እግል አካን እብ ሰሓቅ ሀንዘዘው፡ ህቱ ህዩ እለ ክም ጀሬት እብ ሐሩቀት አንጃቡ እት ለሐራጽጽ አሰክለ ወኪለትለ ሰፈርያት እንዴ ቀርቡ፡ “እለ እንቱ ለልአድብኪ ተሐዜ ህሌኪ...” ቤለዩ።

ህተ ህዩ ስሕቅ እት ወዴ ወሐቱመ እንዴ ኢትትረበሽ፡ ሃድአት ዲብ እንተ፡ “ኢትጽብዋ እትዩ መንበ፡ ከእላመ እለ ትብል ህሌክ ገብአት ምን ገብእ፡ እግላመ እት ሰፍ እግል ትብጠር እግል ለአትሐዜካ ቱ” ቱለቱ።



ነፈሰ ወድ ዕትማን

ሐየት ወከራይ ምስል ጌሰው ወእት ለገበየም ሐየት ብዕራይ ረክቦ ወከራይ ወእት ቀየሕ። ሐቆ እሊ እግሉ ብዕራይ ወለአት ምስል ሓበረምም ከከራይ ተውዕሎም ዐለት። ደኣም ሐር ለወአት እግል ቲለድ ክም ቀርቦት ሐየት እግል ከራይ የም እንቲ እት ቤት ጽንሐ። ወአነ አውዕሎም ቤለ። ከራይ ህዩ ለወት ክም ትወልድ ኣምረት ዐለት። ኖሼ እግል እትብገስ እት እግል ኢቲበሉ ላተ እግል ሐየት ፈርሀቶ ወእህህ እት ዐድ ዐለት። ሐየት ክም ትፈረረ እም እት መዓል ለወአትሉ ከራይ እጋል ወልደት። ወሐየት ለእጋል እግል ኖሱ እግል ልንሰኣ እንዶ ቤለ

ዓዳትን ነኣምር

ነፈሰ ወድ ዕትማን ወኢኖ ሊትማን እብ ክሱስ ሐልየት፡ ዓዳት ወኢድጋማት ትግሬ እት ወደወ ቤሐስ ወድራሳት፡ ክምስልሁ መ እት ደረጀት ጥባባት ለኣብጸሐው፡ የም ክብት ትግራይት ጋብእ ለህለ ኣክትብት፡ እግለ መጽእ ኣጅያል ህግዩ ትግሬ ዝሕረት ዐባይ ቱ። ነፈሰ ወድ ዕትማን ወኢኖ ሊትማን ህዩ ዲብ ተእሪክ፡ ዓዳትን ወሕላይን ለኣግደወ ዶር እብ ቀሊል ለልትረኡ ኢኮን። ከሰፍሐት ፈን ወዓዳት እሊ እት ኣክትብት በዲር ለህለ ርዝቅ ህግያን ክሉ ኣዳም ጀላብ እግል ልርከብ፡ እትሊ ዓመድ እሊ ምነ ብዞሕ ጽበጥለ ኣክትብት ዲብ ነሐሬ እንቀድም እኩም ህሌን። ከእግል የም መ ምን እሊ ኣክትብት እሊ ለኣዳሌናሁ ጽበጥ ጀበእ እምለኩም፡ ከቅራኣት በኪተት፡

ድግም ሐየት፡ ከራይ ወወድሐሽል

ለሰሌት ለወአት ነስኣ ከእት ኣንገብ ለብዕራዩ ሎሸየ። ደኣም እግለ እጋል ሐሊብ ምን እመ እት ከደን ኣጥበዩ፡ ሐር ከራይ እት ትጠቤ እግል ኢትርእየ እት ፈርህ ምሴ ክም ዔረ እግል ከራይ ብዕራዩ እጋል ወልደ ወእለ ስለቱ ተ ቤለ። ወህተ ብዕራይ እጋል ክምስል ወአት ወልደ? ቴሎ። ሐየት እንዶ ትቀጸበ ኣፎ ወልድ ቤለ ከእግል ልቅተለ ሐዘ። ወህተ ፈርህቶ ከእት ትብኪ ትገሰቲ። ወእብ ፈጅረ ሐየት ለእጋል ወብዕራዩ ወለአት እንዶ ነስኣ ትፈረረ እም። ወከራይ እት ለቤት ትብኪ ዐለት። ወእት ትብኪ ወድ ሐሽል መጽኣየ። ወህቱ ቤለ ሚ ገብኣኪ ከራይ? ክምስል ቤለየ ህተ ህዩ ወኣቹ ኣጋል ወልደት ወሐየት ብዕራዩ ወልደየ ወእትኪ ኢወልደት ቤሊኒ ከነስኣየ ምንዩ ቴሎ። ወድ ሐሽል እለ ህግዩ ከራይ

ክም ሰምዐ “ትም በሊ ኢትብኪይ ፈጅር ኣነ ኣትህይበኪተ” ቤለ። ወእብ ፈጅረ ሐየት ወከራይ ምስል ዲብ እንቶም ወድ ሐሽል ህወት እንዶ ነስኣ እብ ሰምጦም ሐልፈ። ወክም ረኣዎ ሐየት ኣየ ትገይስ ዎዓምር ወድ ሐሽል ቤለ። ህቱ ህዩ ሊሊት ኣቡዩ ሕጻን ወልደ ከሐሊብ ሕርሱ እግል እርመቅ ኣገይስ ህሌት ቤለ። ሐየት ህዩ ዲብ ልሰሐቅ “እናስ ክምስል እሲት ወልድ?” ቤለ። ዎ ዓምር እናስ ክምስል እሲት ወልድ? ቤለ። ዓምር ወድ ሐሽል ህዩ እናስ ክም እሲት ምን ኢወልድ እግል ከራይ ለእጋል ህበ ቤለ። ሐየት ህዩ እለ ህግዩ እለ ክም ሰምዐ ወድ ሐሽል እግል ልቅተሎ ሰዐ ዲቡ። ደኣም ወድ ሐሽል እብ ሐቱ ኣካን ተሐልወሽ ምን። ወሐየት እግል ወድ ሐሽል እብ ቀልጥ እግል ልቅተሎ እትለ



ኢኖ ሊትማን

ኣናመ ኣፎ ይእበልስ እግሉ እንዴ ቤለ እብ ክርን ዕክት “መርሐበ ሰኒ ማሲ” ቤለ። ወወድ ሐሽል ቤቹ ቤቹ ኢገብኣኪ ኣኬ ሐየት እንተ ቤሎ ከሰከ ምን። ወሐየት እግል ልቅተሎ ሐዘዩ ዐለ ወክም ኢረክበዮ ግድም ዲብ ከራይ ኣቅበለ ወለእጋል ህበዩ።

ጀማሂር ማሌ



የም እብ ደረጀት ወጠን ለትፈናተ መሓብር እንዴ ተኣሰሰ ክሉ ምስል ወጠን ወምስተቅበል ለከድም ወራታት እቱ ናቅሽ ወተሐይስ ተሐምቅ እት ልብል ዶል ትርእዩ ክል መሕበር ክምስል ሐቱ ክምክምት ዓይለት እግል ትውሰፉ ትቀድር። እትሊ ወክድ እሊ እብ ፍንቱይ ለበዲር ዲብ ንዓል ለዐለየ ውሕዳት እብ እንክር እንክረን መሓብር ምናድሊን እንዴ ኣሰሰየ ክል መሕበር ከለናይ ማሌ ታሪክ ንዓል ወፅምር ንእሽ ወፍርስት ምሕርብት ለለኣትፋቅድ መናሰባት ዲብ ልዘከር፡ ዶል ትርእዩ ታሪክን ታሪክ ኣግማም ምን ኣግማም ወዲብ ኣግማም ክምቱ ሸክ ኢትወዴ። ዎሮ ምን እሊ መሓብር ምናድሊን ህዩ ለዲብ ሰነት 2002 ዲብ ነቅፈ እብ መናሰባት ኢዮቤል ፍዴ ተሕሪር ነቅፈ ለተኣሰሰ መሕበር ጀማሂር ሳሕል ቱ። እሊ መሕበር እሊ ህዩ ቀደም እለ ዲብ ክል ወሬሕ

ማርስ ምስል መናሰባት ተሕሪር ነቅፈ፡ መዲነት ነቅፈ እንዴ ጌሰ ምስል እቱ ለህለው ጀማሂር ሳሕል ውብዕዳም ኣንፋር መዝማት ጀማሂር እንዴ ገብኣው መጦር ጀማሂር ለኣሰኩ ወለኣኩ ለዐለው ለዐይዱ። እሊ ህዩ ምስል ኣንፋር መሕበር እንዴ ዐገለው እበ ሐልፈ ንዓል ወዲቡ ልትረኡ ለዐለ ምስተንክራት ዲብ ዳግሞ፡ ዲብ ልዘከር ወሕድ ዲብ የንድኖ ለልትረኡ ሰሓቃት ወህካት ሐድ ኢኮን። እሊቱ ህዩ ክምስል ወለፍ እንዴ ጸብጠየም ዲመ እለ ኣምዕል እለ እግል ትምጸእ እሎም ዲብ ልተምነው ወልትህገኖ ምን ማርስ ኣሰክ ማርስ ዐሰር ሐል እንዴ ገብኣ ልሰመዖም። ሰነት 2020 ነቅፈ ክምስል ጌሰው ላኪን ግራሁ ክምስል ክለን ነኣምረ ገሸለት ኮሮን ሰበት መጽኣት፡ ክሉ መሓብር ሌጠ እንዴ ኢገብእ ኣፍራድመ ናይ ሐረከት ወተጀምሶ ሸሩጣት ሰበት ዐሉ፡ ጀማሂር ሳሕል፡

ሳሕል ሰፍልላሙ ዲብ እንቶም ኢጌሰው። ሰነት 2022 ላኪን ለዓደት እግል ኢትብዴ ወኣዳም ሕድ እግል ኢልትረሰዕ ክሉም ዎሮት ከደለ ዲብ ህለው፡ ምስል ኣጀኒቶም ወኖሶም መናሰባት ጨባብ እንዴ ወደው ዝክርያቶም ለለትሐድሶ እቱ መናሰባት ነዘመው። እብሊቱ ህዩ ላመ ዲብ ኣሰመረ ለህለው ኣንፋር ጀማሂር ሳሕል ለዐለው፡ እበ ትትቀደር ኣምዕል እንዴ ፈንተው ዲብ ኣሰመረ እት ባካት ማይ ሐጸ ዲብ የም 26 ማርስ ለመናሰባት ዘክረው። እትለ ኣምዕል እለ እግለ መናሰባት ለለኣገምል ለትፈናተ ወራታት ፈን ቀደመው። ህጅክ ወሰሓቅ ህዩ ተለይቶ ናይለ መናሰባት ዐለ። መናጁስ ኣማል መሐመድ እድሪስ ወነጅለ መሐመድሰዲድ ዑሰማን ህዩ ምስል ኣቡህን ኬርቡ (ኣድም ሳልሕ ኣብሐሪሽ) እንዴ ገብኣየ እግለ መናሰባት እብ ተማሲል ወኣሸዓር ኣገረመያህ። ሸደ እንዴ ትጋረየ ወሚላኖ እንዴ ለብለሰየ ህተን ለኢለኣምራሁ ላኪን ግሪ ቀደም ሕርየት ለበልስ ዝክርያት ጀማሂር ለለትሐሰሴ ወራታት ፈን ቀደመዮ፡ ምናድሊት ኣሰፋሽመ ለዲብ ወክድ ንዓል ሳድፈ ለዐለ መታክል እብ ፍንቱይ ተድራብ መሊሽ ለከሰስ ንኢሽ ተምሲልየት ኣቅረበት። ክሉ ህዩ እበ ትቀደመ ተማሲል ኣሸዓር ወሕላይ ትበሰጠ። እተ መናሰባት ኣማል መሐመድ እድሪስ ወነጅለ መሐመድሰዲድ ጀማሂር ማሌ ወፈንቅል ለልብለ ክል ምንን ከሐቱ ሸርዕር ቀደመዮ።



ነጅለ መ/ሰዲድ ኣማል መ/እድሪስ

ከፎ ህሌኩም - እንቱም ጀማሂር ናይ ማሌ ክሰኣም ዐልኩም እት ኣዳም - ክሉ እግል ልዓሌ ሽዑብ እግል ልፍዘዕ - ወሰውረቱ እግል ልታሌ እንዴ ፈዝዐ - ሕሳል ዐውቱ እግል ልዋሌ ወእንዴ ትነዘመ - እብ ሰለሐ እግል ልዋሌ ኣቅነኢኒ ታርክኩም - ኣማን እንዴ ይእትብሬ። ለዐልኩም እቱ ምድር ምድዩቱ - ምን ዐሌ ልትፈሌ ምስልኩም ወካደኩው - ዲብ ኣድሬ ወኣቅሎሌ እንድላል ወበጽሐት - ለጀፈር ኣማተሪ ሮረ ላበ ወበቅለ - ለክልኣት ግዋሪ ሮረ ማሬት ለፋዩሕ - ሸንክት ኣዶብሐ ለኣድሮሬ ካደኩሙ ኣውኪር - ለምርወትኩም ኢትትዐሬ ከላሺን ወለከራሰ - ሸንን ወግንዳሌ። ዕጹም ዐለ እገርኩም - እት ለዐርግ ወልትከሬ ወክትብ ዐለ እደይኩም - ዘብጥ ዐለ ወዋሪ ደወ ዐልኩም እግል ሕመም - ለገቢል እብኩም ልሳሬ ውሕደት ዐለት መድረሰትኩም - ኢትካፍል ወኢተግሬ ገጽ ቀደም ገንድሎ - ለጅሌል እት ልትካሬ። ኣይው፡ ጀማሂር ናይ ማሌ - ኣየ ዐልኩም ምን ትብሎ ፍንጌ ኣዶብሐ ወተቤሕ - ደብር ዐይገት ትሸፈሎ ብርድ ምስል ካቤቱ - ክሉ ሕበር ትክህሎ ትሰዑ ወተኣሳድሮ - እንዴ ኢትትሐለሎ ወቀይ ድጌ ወሳትር - ክሉ ምስል ትሰርግሎ ዕበያትኩም እት ሳሕል - ክእነ እንዴ ኢትሸንግሎ። ምናድሊት ኣሰፋሽ ጎይትኣም



ዲብ መከለስ ጅግረ አፍሪቀ ወጠኢያይ ፈሪቅ ብድረ ዐጃላት ኤረትርያ መዳልየት ደህብ ትሰርገ



ምን 22 ማርሰ ዲብ ሻርም-አፔክ መስር ገብእ ለአስመነ 18ይ ሻምፕዮን ጅግረ ዐጃላት አፍሪቀ 2022፡ ወጠኢያይ ፈሪቅ ኤረትርያ የም 27 ማርሰ ዲብ ገአ ናይ መትመሞ ጅግረ እብ መትጃግራይ ሄኖክ ምሉእብርሃን መዳልየት ደህብ ትሰርገ።

ዲብ እሊ 150.8 ኪሎሜተር

ለገልበበ ናይ ዐባይ ወምተሐት 23 ሰነት ጅግረ፡ መትጃግራይ ሄኖክ ምሉእብርሃን ዲብ ናይ ደንጎበ አምታር እበ አርአየ መቅደረት ወገያደት ቱ እግል መትጃግራቱ እንዴ ቀልበ እግሉ ወእግል ወጠኩ ናይር ዐውቴ ለአስጀለ።

ፍረቅ ግብለት አፍሪቀ ወአልጀዛእር ህዬ ደርብ ወጠኢያይ

ፈሪቅ ኤረትርያ እንዴ ትረተበው 2ይት ወ3ይት ደረጃት ጸብጠው።

ዲብ ናይ አዋልድ ጅግረ፡ የም ዓመት እግል ሰልፍ ኢነት ለሻረከየ አንፋር ፍሪቅ ወጠን ኤረትርያ፡ ምስል አወላየት 20 እንዴ ገብአየ ጅግራህን ክምሰል አተመመየ ወኪል ውዛረት እዕላም ሐበረ።

እብ አሳስ እሊ ወጠኢያይ ፈሪቅ ኤረትርያ ዲብ ሻምፕዮን ጅግረ ዐጃላት አፍሪቀ 2022 እብ 7 ደሀብ፡ 6 ወርቅ ወ2 ነሐስ እብ ጀሚሖ እብ 15 መዳልየት ምሰዐል መጃግራቱ እንዴ ትወቀለ ተዐወተ።

ዲብ እሊ 18ይ ሻምፕዮን ጅግረ ዐጃላት አፍሪቀ፡ ኤረትርያ፡ ግብለት አፍሪቀ፡ አልጀዛእር፡ ሞርኮ፡ ቱኒዝያ፡ ሮዋንድ፡ ማውርሸሴ፡ ናይጄርያ፡ ቤኒን፡ ኡቶብያ፡ ማሊ፡ ቡርኪናፋሶ፡ መሰር፡ ኡጋንዳ ወናሚብዩ ለብእተን ድወል ሻረከየ።

ፈሪቅ ቀይሕ በሕሪ ሻምፕዮንስ ሱፐር ዲቪዥን ‘ኤ’ አቅሊም ምግብ ገብአ

ሻምፕዮን ኩረት እገር ሱፐር ዲቪዥን ኤ አቅሊም ምግብ እት ዓመት ርያደት 2021-2022 ምዕል ሰንበት ዐባይ 27 ማርሰ ዕዙማም ጋሽ ወፈተች ርያደት እት ሐድረዉ እብ ነያረት እት ስታድዩም አስመረ እብ ዐውቴ ፈሪቅ ቀይሕ ባሕሪ ተመ።

ሰልፍ ሰወ ንቃዋ እት ብእቶም ሳልስ ደረጃት ምን ጸብዋ ምኖም እግል ፈረጎት እት ሜዳን ለአተው ፈሪቅ ሸሪከት ሰገን ወአዱለስ ዐለው። እት አወላይ ናይ 45 ደቂቀት ውካን ትልህየ እምበል ጀርቢታት ጎል ለሰጀለ ምነኖም ኢትረከበ ከ0-0 እግል ዕርፍ ፈግረው። ሐቅ ዕርፍ፡ ፈሪቅ ሸሪከት ሰገን እት 57ይት ደቂቀት እብ ቅያር ለአተ መሃጅም መባረክ ከሊፈ ዲብ 69ይት ደቂቀት ጎል ሰጀለ ወእሊ ጎል እሊ እግል ዐውቴ ናይለ ፈሪቅ አድመነ። ወእብሊ ሰገን ሰገን እብ 27 ንቅጠት ሳልሳይ ገብአ ከጅግራህ አተመመ።

ሓይስ መትጃግራይ ናይ እሊ ትልህየ፡ መተልህያይ ፈሪቅ ሰገን ኢሲያስ የማኔ እብ ገዲም መተልህያይ የውሃንስ ኪዳኔ

ጃእዘት ተሀየቡ።

ሰዐት አርበዕ አልዐሰር ለተለሀው ፍረቅ፡ ቀደም ሐቱ ትልህየ ሻምፕዮን ክምቱ እትእመር ለዐለ ፈሪቅ ቀይሕ በሕሪ ምስል ካልእ ደረጃት ለጸብጠ ደንደን ተልሀ።

መፈወድ መፈወድየት ዓዳት ወርያደት ሰፊር ዘመዴ ተክሊ፡ ሓክም አቅሊም ምግብ አሰይድ ፍሰሃይ ሃይሌ፡ መስኡል እዳረት ወማልየት አቅሊም ምግብ አሰይድ ተኪኤ ቀለቱ፡ ቃይድ ፖሊስ ኤረትርያ ኮሎኔል መሓሪ ጸጋይ፡ መስኡል ተዕቢኣት ወሐብሬ ውዛረት ድፊዕ ኮሎኔል ሶሎሞን ሰዩም፡ ናኢብ ርኢስ ፈደሬሽን ኩረት እገር ኤረትርያ አሰይድ ነጋሽ ተክሊት፡ መፈወድ ዓዳት ወርያደት አቅሊም ምግብ አሰይድ እንድርያስ አሰመርም፡ ምስል መተልህየት ናይለ ፍረቅ ሐቅለ ተአመረው ትልህየ ነሺድ ወጠን እንዴ ተሌት ተአንበተት።

ደንደን፡ እትለ ሰልፋያት ደቃይቅ ለሃጅም እት ዐለት ዲቡ አውካድ እት ሳቤዕ ደቂቀት ሪገሌ ምን ረክበ መስኡል ናይለ ፈሪቅ -ምኪኤል ዘርኣይ(ወዲ ዘርኣይ) እንዴ ሸክዐየ

ዲብ ሸግዲት ወሸቀዩ። ምናተ ሐቅ ሕዳት ደቃይቅ መሃጅም ቀይሕ በሕሪ ድፒን ግብጻዊ እት ጽምድ ደንደን ለዐጽፈየ ኩረት ስምኦን ሃብቱ ዲብ ጎል ምን በደለየ ፈረሕ ደንደን እት ዶሉ ሀምደ። ለትልህየ 1-1 ገብአት። ሐቅ እሊ ጎል እሊ ክልኢቱ ለጅሃት እምበል አትካባት ኩረት ለመጽኦ በደለ አለቡ። ክልኢቶም 1-1 ዲብ እንቶም እግል ዕርፍ ፈግረው።

እት ካልእ ውካን መ ዶልከ ልትረኤ ለዐለ ልብ መትፈርጀት ለሰልበ ጀርቢታት ምን ኢገብእ እት ማርሐት ለትቀድሙ ጎል ለሰጀለ ፈሪቅ ኢዐለ። ካቲመ ትልህየ 2021-2022 ህዬ 1-1 ተመት። መተልህያይ ፈሪቅ ደንደን ምክኤል ዘርኣይ ሓይስ መተልህያይ ናይ እሊ ሰነት እንዴ ገብአ ጃእዘቱ ምን ገዲም መተልህያይ ነጋሽ ተክሊት ነሰአ።

ሐቅ እሊ ትልህየ፡ ርኢስ ፈደሬሽን ኩረት እገር አቅሊም ምግብ አሰይድ ጣህ መሐመድብርሃን እት አሰመዐየ ከሊመት፡ ዲብ እሊ ሰነት እሊ፡ ጃእዘት ሓይስ መተልህያይ እንብት ክም ሀሌት፡ በዲል መተልህየት ምን ሰለስ ዲብ ሐምስ ውቁላም ክም ሀለው፡ ክምሰልሁመ መተልህየት ፍረቅ ለዐበው እት ሰነት ክምተ ሸርሐ። እምበል እሊ ንዘም ተኣሂል ግራስ ሩትስ እሊ አቅሊም ለአዳበሪዮም ወመርከዝ ተኣሂል ርያደት መረብ ሰቲት እንዴ ትክበተ እግል ፍረቅ ለሰጀለዮም አካን ቀዳምያም ለደብኡ መተልህየት እብ አማን ፈሩ ክም ሀለው ሐበረ።

ኤረትርያ ሻምፕዮን 2022፡ ሄኖክ ሱሳይ ኤረትርያይ ዕውት ሻምፕዮን ጅግረ ዐጃላት አፍሪቀ

ሰንበት ዐባይ የም 27 ማርሰ እት ለዐለ ናይ ጽርግዩ ጅግረ፡ ሻምፕዮን ጅግረ ዐጃላት አፍሪቀ 2022 እብ ዐውቴ ኤረትርያይ ሄኖክ ምሉእብርሃን ሐቅለ ተመ፡ ፈሪቅ ወጠን ጅግረ ዐጃላት ኤረትርያ እብ ሰርጎ መዳልያታት ገረመ።

ወድ 22 ሰነት ሄኖክ እግል እሊ ናይ የም ዓመት ሻምፕዮን ጅግረ ዐጃላት አፍሪቀ፡ እግል ወድ ግብለት አፍሪቀ ሬናርድ ሻን ጃንስ ወወድ አልጄርያ ሃምዘ አማሪ እንዴ አትላቱ ናይ ደህብ መዳልየት ለትሰርገ። እብሊ ህዬ ሄኖክ ሱሳይ ዕውት ሻምፕዮን አፍሪቀ ገብአ።

ቀደም እሊ መትጃግራት ዳኒኤል ተክሌሀይማኖት ዲብ 2010፡ ናትናኤል ብርሃኔ እብ ትሉሉይ እት 2011 ወ2012፡ ተሰፎም ዑቅበማርያም ዲብ 2013 ከምሰልሁመ ዲብ 2016 ልትዐውቶ እት ህለው አማኑኤል ገብሬእግዚኣብሄር ወመክሰብ ደበሳይ ህዬ አሰር አድሕድ ዲብ 2018 ወ 2019 እትሊ ዐቢ አፍሪቅያይ ጅግረ ዕውታም ክም ዐለው ወሳይቅ ናይለ ጅግረ ለአፍህም። እብ አሳስ እሊ እብ ሃም ሰማን ወክድ በንዲረተ



ለአምበልበለት ኤረትርያ፡ ምስለ እት ሕድ ለሸብህ ወክድ እትሊ ጅግረ ለትዐውተት ግብለት አፍሪቀ ርትብት ህሌት።

ምን 23-27 ማርሰ እት ሸርመሼክ ምስር ገብእ ለአስመነ ሻምፕዮን ጅግረ ዐጃላት አፍሪቀ ለሻረከ ፈሪቅ ወጠን ኤረትርያ እትሊ ጅግረ ዶር ዐቢ ክም ዐለ እሉ እንዴ ተዐወተ ለረክበዮም መዳልየታት አሰባት ቶም። እሊ እብ ክልኤ መጅሙዐት ናይ ውላድ ወአዋልድ ለሐስ ነታይጅ ለሰጀለ ወጠንያይ ፈሪቅ ኤረትርያ እብ ሰቡዕ ደሀብ፡ ሰቡ ፍደት፡ ክልኤ ነሐስ እብ ሃም 15 መዳልያታት እንዴ ትሰርገ እት ረሸመት ዐውቴ ትረኣ።

ቢንያም እብ ድግማን ሰልፋይ አፍሪቅያይ ዕውት



ኤረትርያይ ፕሮፈሽናል መትጃግራይ ናዲ ኢንተርማርፔ ዋንቲ ጎበር ቢንያም ግርማይ እት ሰንበት ዐባይ እግል ናይ 84 ወክዱ ገብእ ለህለ ናይ ሐቱ አምዕል ጅግረ (ክሳሊክ)-‘ገንት ወሸልገም’ እብ መትዐዋቱ እትሊ እሕትራም ለበጽሐ ሰልፋይ አፍሪቅያይ መጃግራይ ገብአ።

እሊ ክል ሰነት ዲብ በልጅዩም ለገብእ ጅግረ፡ አካን ናይለ ጅግረ እብ እመን ለትደግደገ ክፋል ለዐለ እትገብእ 248.8 ኪሎ መትር ለትገብእ ተ። ቢንያም ህዬ እግል ምን 250 መትር እንዴ አስተብደው ምስሉ ሾላት ለወደው ሰለስ መጃግራት እንዴ ቀልበ ቀደም እሊ ለገብእ አፍሪቂ ለኢሰጀለየ ተኣሪክ እብ ሰሜቱ ሰጁል ህለ።

ለመጽእ የም 2 ኡብሪል 22 ሰነቱ ለልአተምም ቢንያም ግርማይ እግል ካልኣይ ወክዱቱ እት ተኣሪክ ጅግረ ዐጃላት አፍሪቀ ሐዲስ ባብ ከስት ለህለ። እሊ እግል ብዝሓም ናይ ሾላት አንፋር ናይ ቅልበት መቅደረት ዋወር ለህለ መጃግራይ፡ እት ወሬሕ ኖሽምሸር ደዓም መ ‘መሰተብድያይ’ ለልብል አርእስ ሸቄይ እግሉ ክም ዐለ ልትፈቀድ። ቢንያም፡ እት ናይ ጽርግዩ ጅግረ ሻምፕዮን ዐለም ወጃኢዘት ፍደት ለትሰርገ አወላይ ጸለም አፍሪቂ እትሊ ጅግረ መዳልየት ለረክበ ገብእ ህለ።





እብ ሰባት ታይዋን ሚ ተክምር?



ታይዋን ረስሚ ሐቲ ክፋል ምን ጀምሮላት ቻይና ላተ ደውላት እት ምፍጋር ጸሓይ ኣሰዩ ለህሌት ጀዚረት ተ። እሰ ጀዚረት እሰ ዲብ መፍሰል በሐር ናይ ምምፍጋር ጸሓይ ወግብለት ቻይና ወግብለት ምውዳት ጸሓይ ምሒዋ ሰላም ለህሌት እት ገብእ፡ ምስሰ ለልትሓደደ ህይ ቻይና እብ ጀህት ቅብለት ምውዳት ጸሓይ፡ ጃፓን እብ ግብለት ምፍጋር ጸሓይ ወፍሊፒንስ ህይ እብ ግብለት ትትሓደድ። ታይዋን ናይ ሰልፍ ሰነን ምን ዳቻ ወፋጂ እት ገበኣ ሐር ላኪን ውላድ ቻይና እግል ልሰነን ኣስተብደው። ኣሰልፍ ዲብ

- ሪም ግንጋራብ በሐር 1,566 ኪሎሜተር
- ሪም ምድር ታይዋን 394 ኪሎሜተር ገብእ እት ህለ ፅርድ ህይ 144 ኪሎሜተር ገብእ።
- ብዝሐ ሸዑብ ታይዋን እብ ዲብ ሰነት 2020 ለገብእ ፅሹር 23,570,000 ሚዮን ተ።
- ርኢስ ታይዋን ጸይ ኢንግ ዌን ልትበህል።
- ፅምለት ኣው ደርህም ታይዋን፡ ዶላር ታይዋን ተ።
- ህግዩ ረስምየት ማንድሪን ቻይና ተ።

ታይዋን ሚዶል ተክሰሰት፡



ሐንቴ እስትዕማር ጃፓን እንዴ ዐለት እት ሰነት 1945 ሐቀ ካልኣይ ሐርብ እዲነ ረስሚ ቻይና ምንመ ትሰለመተ፡ ምስሰ ዲብ ቻይና ለዐለ ሐርብ ኖስኖስ ብዝሓም ምን ቻይና ለህርበው ሐሸመት ወሚርሐት ዲብ ሰነት 1949 ዲብ ጀዚረት ታይዋን ትክተለው። ምን ወክድ ለህይ ወሐር ህይ ምስል ድወል ቀርብ ወእብ ፍንቱይ ኦሚሪክ ምስንዮት እንዴ ከልቀት ህይ እበይን እግል ትትመቃረሕ ኣስተብደት። 15 ደወለት ምን ድወል ዐለም እግል ታይዋን ክምስል ደውለት እስትፋት እብ ምንማተን። ቻይና ላተ ኣስክ እሰ ክምስል ክትፈት ምድረ ወዐደ ሰበት ተሐሰበ ክም ደውለት እስትርፈት እብ ኢኮን።

- ዓሲመት ታይዋን ቲፔ ትትበህል፡
- ርሕብ ኣው መሳሐት ታይዋን 32,260 ኪሎሜተር መረበዕ (13,976 ማይልስ) መረበዕ

- ታይዋን ኖስ ክም ደውለት ለትክውነት ዲብ ዮም 25 ኦክቶበር 1945 ተ።
 - ናይ ኖስ ደስቱር ለሳደቀት ዲብ ዮም 25 ዲሰምበር 1949
 - ናይ ኖስ ፅምለት ለኣሰሰት ዲብ ዮም 20 ማዮ 1948
 - ሕኩመተ ዲብ ታይፔ ለክክሰት ህይ ዲብ ዮም 7 ደሰምበር 1949 ተ።
- ለሐምስ ምህም ሐቃይቅ እብ ሰበት ታይዋን ሚተን?
1. 2.3% ውላድ ታይዋን ምዋዋኒን ቶም።
 2. ታይዋን ኣክል ቤልጂምተ ላኪን 23 ሚልዮን ሸዑብ ቤ።
 3. ህተ ሌጣ ተ ምን ድወል ኣሰዩ ተብዕን ሕድ እግል ልህደው ለሰምሐት።
 4. ሰሚት ረስምየት ታይዋን ጀምሮላት ቻይና ተ።
 5. ኣግደ ነብረ ወጠንየት ታይዋን ስቲንክ ቱፎ ልትበህል እሰ.

ህይ ለመሸመሸት ጅብነት ኣው ምን ፋሱልየት ለልሸቄ ነብረ።

ገሌ ምን ታይዋን ትትሰሚ እብ ሰናዐት ኮምፕዩተራት፡ ዐጀላት፡ ነብረ በሐር፡ ዐዳገ ላሊ HTC ሰማርት ተለፎናት፡ ቀጠፍ ሻሂ ውበዕድ እግል ልትህደግ ቀድር። ለበዝሐ ታይዋን ለተኣሰድሩ ሓጃት ህይ ኣላት ኤልክትሮኒክ 33.1% ምን ዓም ተሰዲር፡ ሐብሬ ወእትሳላት ክምስልሁመ ኣውድዮ ወሺድዮ ሰናዐት 10.8% ናይ ኣሳስ ሐጸይን 8.8%፡ ፓላስቲክ 7.1% ማሸናት 7.5% ተኣሰድር።

ታይዋን ለዐበ ኣው ለበዝሐ ኣስክ ኣምሪክ ለወዲቱ ተሰዲር ዲብ ሰነት 2020 እት ገብእ፡ እሰ ህይ ማሸኔሪ ወኣላት ካህረበት ተ። እሰ ተሰዲር እሰ ሐድ 29.26 ቢልዮን ዶላር ኣምሪክ ገብእ። እብሊ ህይ ታይዋን ዲብ ኣምሪክ ለኣሰደራቱ ዲብ ኣወላይ ደረጃት ቀደም ቻይና ወጃባን ትትረተብ እብ።

ድብር ምን ታይዋን ምን ቅርዱ ንቁል ምንማተ፡ የምክን ዎሮ ምን ምእት ለገብእ ምን ሸዑብ ታይዋን ድቡር ኢልትሐገል ዲኢኮን ገቢል ታይዋን ጽጉብ ተ።

እቅትሳድ ታይዋን ዝያደት ዲብ ዐለም ምን ለጠወረ እት ገብእ፡ እሰ ህይ ዲብ ሕር ዐዳገ ልተክብ። እብሊ ህይ ታይዋን ዲብ ኣሰዶ እብ ርዝቀ ወተጃረተ እት 8ይት ደረጃት ትትረተብ ዲብ ህሌት ዲብ ዐለም ህይ ዲብ 18ይ ደረጃት ትትረተብ።

ዲብ ታይዋን 47 ቢልዮንራት ህለው።

ናይ ሐምስ ሰነት ስቅራታት 24 ማርስ እድንያይት ምዕል ቲቢ

- 2022 ቲቢ እግል ነኣሰርት ወኣራዌሕ እግል ነኣንግፍ ረኣሰ-ማልን ንክሰእ (Invest to end TB save lives)
- 2021 = ለሰዐት ትገይስ ህሌት (The clock is ticking)
- 2020 = ኣሰራዮት ቲቢ ኣዜተ (It's Time to Emd TB)
- 2019 = ወክድ ነሰእ ምስዳር ኣዜተ (It's Time for Action)
- 2018= ማርሐት ልትሐዘው' ዐለም ምን ቲቢ ናግየት እግል ተህሌ (Wanted; Leaders for TB-Free World)

10 ፍንቲት ስወር ሕዜ

Spot 10 differences & color



ዲብ ወርሖ 11 ሰነት 1981፡ ጃን ሕክሩ ገራዲ ጌርትርያ፡ ምን ሕክሩ ገራዲ ጌርትርያ ል ልጋጠሁ ሰቀድሮ ህጃማት፡ ጃግል ለፖብግር፡ምን ርሒገ ገድዮታት በርክ ተዌር ወዳ። ቀደም ሪዮ ወራር ለዓብ ፊሎሮ ህይ ዐሳ። ምናታ ጅት ው ገድሐ እንዳትበፍሕ እብ ውናድኢን ፊኮን።